

صوت الأهل

في ظل إغلاق السجون ومنع الزيارات وانقطاع الاتصال بالمعتقلين

من الأرشيف الإعلامي في شهر أبريل 2020



راجعة من طرة!!

كنت باودي أدوية لزياد وفلوس للأمانات. مامة حسام مؤنس برضه كانت رايحة تودي مطهرات وتسيب فلوس في الأمانات، وشفنا هناك كمان سما بنت الدكتور حازم حسني جاية لنفس المهمة!!.. لاحظت ان الجنائين برضه رايعين يودوا أدوية ومطهرات زينا، ودخلوا حاجتهم قبلنا رغم ان عدددهم كبير واحنا كنا ثلاثة بس!! الاختلاف بينا وبينهم، انهم بيدخلوا جوابات لذويهم ويستنوا لما تيجي لهم رسائل من جوة!!.. احنا مش مسموح لنا نطمئن برسائل، عشان احنا



ولادنا سياسيين!! كل المسموح بيه اننا نسأل العساكر او الضابط "همه عاملين ايه جوه؟" وطبعا الإجابة لازم تكون "كويسين خالص" واحنا المفروض نصدق!!! شفت زوجة واحد مسجون ظلم!!.. اول ما بتشوفني وشها بيكفهر!! وكنت حاولت أتعرف عليها في اول الحبسة من تسع شهور، لما لقيتها محتاسة ومش عارفة تسجل الزيارة فين، فحاولت أساعدها، ولما سألتها ان كان جوزها في قضية الامل؟ اتفرزت وقالت لي: "احنا مالناش دعوة بالحاجات دي!! احنا طول عمرنا علاقتنا كويسة بالأمن، وبتعامل مع اجانب وبنبلغ عنهم "الأمن!!

عرفت من زياد بعد كده ان جوزها مسجون ظلم!! بس مش زي ولادنا المسجونين ظلم لانهم معارضين وبيقولوا كلمة الحق!! لاده يا حرام لا عمره عارض، ويمكن كمان ماقالش اي كلمة من أي نوع!!

فاكرينه؟ دا راجل بيزنس مان، كان فاتح سنتر لتعليم الأجانب اللغة العربية، ويبدو ان واحد أبو النجا المحرزي كان متضايق منه لسبب ما، ولقى قضية الامل مفتوحة، فراح مقدم فيه بلاغ!!.. الراجل يا ولداه قفلوا له السنتر بتاعه، وشمعوه، وقبضوا على خمس بنات بيشتغلوا مدرسات فيه، وبنت يا حرام كانت رايحة بالصدفة تعمل انترفيو عشان تشتغل معاهم!! فجأة لقوا نفسهم متهمين في قضية الأمل، اللي الداخلية قالت انه تحالف لتخريب البلد!!

الراجل ده قابل زياد في النيابة، وقال له انه فرح فيهم لما اتقبض عليهم ، والصحف قعدت تتكلم عن مخطط لتخريب مصر!! وكتب على صفحته على فيس بوك "يستاهلوا ولاد الكلب اللي عايزين يخرّبوا البلد!!".. وبعد أسبوع لقي نفسه متهم في نفس القضية!! وطلب من وكيل النيابة يفتح صفحته على فيس بوك، عشان يشوف تعليقه على القضية دي، ويشوفه كمان وهو منزل صورته وحاطط البيادة فوق راسه!! للأسف ما فيش حاجة من دي نفعته (ص) وأهو في السجن من ساعتها ومعاه ست بنات مالهمش اي ذنب غير ان

صاحب العمل مزعل واحد ابو النجا المحرزي، قدم فيه بلاغ!! ربنا يفك كربته ومن قبله
كرب البنات الستة اللي مالهمش اي ذنب في القصة كلها!!
وياريت المطبلاية كلهم يتعظوا، ويعرفوا ان مافيش حاجة بتنفع، حتى لو اتصورت
والجزمة فوق دماغك!!

مامة حسام مؤنس بتروح كل يومين تقريبا، ولما سألتها، قالت لي عشان اطمئن!! قلت لها
اقعدي في بيتك حافظي على صحتك عشان حسام ما يقلقش عليكي، احنا بنيجي عشان
مهام ضرورية اللي هي توصيل الدوا والفلوس، لكن اطمئنان ايه اللي يبجي من مجرد
عسكري يقول لنا "همه كويسين"!! تفتكري حيقول ايه تاني؟ ايه الاطمئنان اللي ممكن
نحس بيه لما نروح نشوف حيطة وسور وشوية عساكر على ضابط؟

#فيه_وباء_خرجوا_السجناء

<http://tiny.cc/zg1gmz>

عن أيمن موسى

أيمن موسى صاحبي و اخويا و زميل الفرشة و زميل
الامتحانات و الزنانة و الكوتش بتاعى فى تمارين التأهيل
و تمارين اللياقة عشان اقدر امشي طبيعي و ارجع من تاني
بعد وعكة صحية صعبة. أيمن يعني ذكريات القعدة
الحلوة بالليل ولعب الطاولة والتأمين وفنجان القهوة مع
السيجارة وكاريوكي و linkin park و علي طالباب
والمسلسلات الاجنبية la casa و GOT و Friends
وغيرهم. ولما يبقي اي حد فينا عنده مشكلة يناقش التاني
والفضفضة و الخانقة والاكتاب والقلش والأمل.



الحرية لأيمن موسى

<http://tiny.cc/6w1gmz>

والدة ا. زياد العلمي

#فيه_وباء_خرجوا_السجناء.#المحبوس_تحت_التحقيق_ليس_متهما_فلا_يستحق
عقوبة. المسجون_بحكم_في_قضايا_لا_تتعلق_بعنف_او_بلطجة، يقضي بقية العقوبة تحت
إقامة جبرية

<http://tiny.cc/qv1gmz>

عن ا. محسن بهنسي

"بعد إلقاء القبض عليه بعنف واحتجازه تعسفياً، يُحتجز المدافع عن حقوق الإنسان محسن البهنسي الآن في سجن طرة، ويواجه اتهامات تتعلق بمشاركاته على وسائل التواصل الاجتماعي ناشد فيها بالإفراج عن السجناء وسط تفشي وباء كورونا".

"فرونت لاين ديفنדרز" المؤسسة الدولية للمدافعين عن حقوق الانسان

<http://tiny.cc/ff1gmz>



عن ا. عمرو إمام

نحن أسرة وأصدقاء المحامي عمرو إمام مازلنا متمسكين بالقانون ومؤمنين بالعدل، في ظل ظروف خاصة تمر بها الدولة والعالم بشكل عام، فإن مطلبنا بإخلاء سبيل المحبوسين احتياطياً بأي تدبير مناسب لم يصبح مطلب قانوني فحسب، بل مطلب إنساني ملح كضرورة حياتيه. وباء يتصاعد حدة، وحالات المصابين تزداد، ونحن في أمس الحاجة لمساعدة كل قلب وعقل في الوطن إن أردنا النجاة، فما بالك بألاف القلوب والعقول تنام وتصبح في ألم وحزن وخوف قد يجعلها فريسة للإشاعات حول ظهور المرض لا



قدر الله بين المحبوسين. السجنون المكان المكتظ الأخير الذي لم تنظر له الدولة حتى الآن، وكأن من فيها لا يعينهم، ليسوا مواطنين لهم حقوق كاملة سواء المحكوم عليهم ومنتقص حقهم في الحرية أو من مازالوا بحكم القانون أبرياء من المحبوسين احتياطياً. كل ما نطلبه أن تساعدنا الدولة والعقلاء فيها، على فض تلك المأساة التي تزيد الوضع صعوبة، فنحن لن ننسى ابنائنا خلف الأسوار وأصدقائنا وأحبائنا، ولن نتركهم لمصير ظلامي بعد أن أتمنعت الزيارات وتوقفت جلسات التجديد. الأمر قانوني وبسيط لينقذ أرواح كل من في السجنون بدون تعريض المجتمع للخطر بأي شكل، وهذا بخطوات قانونية وشرعية تماماً، تحميها من شر مخاطر كبيرة قد تحدث نخشى حتى ذكرها حال ظهور المرض في السجن، الوباء لن يفرق بين سجين رأي وجنائي وعسكري ومأمور.. لذلك نجدد طلبنا في نقاط محددة:

١. إخلاء سبيل المحبوسين احتياطيا بأي تدبير مناسب وضعه القانون. مثلا بمنعهم من الخروج من منازلهم.

٢. عفو شرطي للجناثيين عن باقي العقوبة "نص المدة."

٣. عفو رئاسي عمّن قضى أكثر من نصف المدة، وافراج صحي لكل المرضى وكبار السن. مازلنا مؤمنين ولدينا أمل في القانون، فلا تجعلونا نياس، نطالب بحق المحامي عمرو إمام في حريته وحقه في حمايته صحيا من أي خطر، ونطالب بحق كل سجناء الرأي وكافة المسجونين في حقهم في حمايتهم بتخفيف التكديس عبر الإجراءات القانونية السابق ذكرها.

<http://tiny.cc/zn1gmz>

عن إسراء عبد الفتاح

وحشتينا يا "سوسو". آخر مرة شوفتك من شهر يارب تكوني بخير يا حبيبتي..
آخر مرة اسراء قالتلى ادعولى اخرج قبل رمضان.. مش عايزة اقضى رمضان هنا
يارب
الصحافة مش جريمة..

<http://tiny.cc/vu1gmz>



عن خالد لطفى

"لماذا يصادف ربيع عمرنا خريف العالم".
الجملة دي كانت بتتقال بدلع زمان وعلى حاجات تافهة
وكنت بضحك عليها، دلوقتي مفيش جملة أنسب منها لي
إحنا فيه. شاب مجتهد وناجح في شغله مكملش الأربعين زي
خالد يتحبس وبقاله أكثر من سنتين ومش عارفين إيه اللي
هيحصل وهيطلع امتي؟! محمد أخونا الأكبر فوق الأربعين
بحاجة بسيطة، وحياته متلخبطة عشان يحمي اخواته وأنا

مكملتش الثلاثين ومن قبل العشرين وأنا حياتي بقت عملية بس عشان نبني أنا وخالد
تنمية ولسه معشتش حياتي، شباب بيدور في ساقية الحياة اليومية والمشاكل وكل ما



الأمل يقرب ونصبر نفسنا اننا هنبقى كويسين بعد شوية يحصل حاجة أكبر والحمد لله
كله بيعدي ناقصنا بس خالد وكل حاجة تبقى كويسة وده اللي بنصبر بيه نفسنا. بس
هنصبر نفسنا بآيه دلوقتي بعد الكورونا؟! يدوب حياة بتبتدي ويدوب حياة بتتظبط ويجي
فيروس في العالم كله يخوفنا. لأول مرة أحس بالخوف كده، مش عشان خايف على نفسي،
عشان مش عارف اشوف خالد ولا يشوفنا وبيجيلي هواجس وخوف عشان مش عارف
اتظمن عليه. الحمد لله انتشار الفيروس في مصر مش زي برا بس الحياة واقفة لا عارف
أشوف أخويا ولا عارف هيطلع امتي، مفيش حاجة في ايدينا غير اننا نقول يا رب احنا
معملناش حاجة وحشة عشان يحصل لما كل ده، يا رب احنا معملناش حاجة عشان نيجي
في الوقت ده من الزمن. نجينا
#الحرية_لخالد_لطفي
<http://tiny.cc/covimz>

عن ا. محمد الباقر

النهاردة يا محمد فات شهر من آخر مرة شفتك فيها.. ما
كنتش اعرف إنها المرة الأخيرة لأجل غير معلوم.. حاولنا
نحتفل بذكرى كتب كتابنا الخامسة وناكل حاجة حلوة..
وحكينا عن الأهل والصحاب وأخبارهم.. لو كنت اعرف إنها
آخر مرة.. اكيد كنت هحضر كل كلامي قبل الزيارة.. وهختار
كل كلمة.. وهشيل اي جملة مش مهمة.. اكيد كنت هقعد
احفظك تتعامل ازاي مع الفيرس وتقوي مناعتك ازاي.. اكيد
كنت مش هسيب ايدك ولا ثانية في الزيارة.. نفسي حد
يطلع بيان رسمي يقولنا احنا واخدين بالناس من المعتقلين
ويقولنا على الإجراءات اللي واخديناها عشان يحافظوا على صحتكم.. نفسي نحس بس
إنهم معتبرينكم بني آدمين.. فكرة إن مفيش كلمة رسمية بتتقال بتجني.. بترجم في دماغني
على طول إنكم واحنا بالنسبة للدولة مش مواطنين.. احنا كلنا صفر على الشمال.. مش
عارفة هعرف اشوفك تاني امتي.. مش عارفة وقتها هنكون فقدنا مين ومين موجود.. لكن
حتى لو بلدك مش شايفاك على الخريطة.. أنا وأهلك وأصحابك شايفينك كل يوم وكل
لحظة.. في كلماتنا ودعائنا وأحلامنا لحد ما نتقابل من تاني..
#الحرية_لباقر



<http://tiny.cc/lg2gmz>

عن محمد عادل



النهارده 5 ابريل، فات شهر بالضبط ع آخر زيارة ل
Mohammed Adel، يعنى من شهر ما نعرفش عنه أي
حاجة بدون مبالغة، كمان سجن المنصورة مش ليوافق
بدخول أي أطعمة من أي نوع ولا أي منظفات من أي نوع
ولا أي شيء سوى الفلوس والأدوية فقط لا غير! فبالتالي ما
نعرفش عادل أصلا بخير ولا، احنا كمان مانعرفش هل هو
عارف بتطور الأمور وإنه المفروض يأخذ حذره؟ طيب هو
لو عارف أصلا ماعنده منظفات أساسا ولا كمادات ولا أي
حاجة، طب حتى لو هو بخير صحيا مؤكد إنه عايش ف
قلق لأن مش عارف يطمئن علينا بره ولا فيه أي طريق

لكده. عادل الشهر ده بيتم 22 شهر حبس احتياطي ف زنانة انفرادي عشان تهمة ما
رتكبهاش اسمها "نشر أخبار كاذبة" اللى هو لو ارتكبها فعليا وكان اتحاكم عليها كان
هيتحبس 6 شهر أو يدفع غرامة ع أقصى تقدير، ده إذا كان فيه تهمة اسمها كده أصلا!
طيب ال 22 شهر دول كان قبلهم سنة ونص مراقبة شرطية 12 ساعة ف اليوم، وكان قبل
المراقبة 3 سنين سجن، يعنى لو حسبناها هنلاقيها 6 سنين ونص وقابلين للزيادة طبعا!
مش كفاية كده؟! ع الأقل ف الظروف اللى احنا فيها مش كفاية كده ع كل المعتقلين
أصلا. بكرة جنایات المنصورة هتنظر ف أمر حبس عادل، ربما يكون فيه مسئول عاقل
عنده شيء من الإنسانية وقاضي عنده شيء من العدل ونسمع خبر كويس بكرة، ونخلص
من الكابوس اللى احنا فيه من سنين، ربما!

#الحرية_لمحمد_عادل

<http://tiny.cc/d0vimz>

عن إبراهيم سالم واحمد مضيوف ومصطفى رباح

استغاثة

نحن أهالي كلا من ابراهيم سالم حسن سمير واحمد مضيوف ومصطفى رباح تم الإفراج
عنهم في قضية ١٤٨ عسكرية واترحلوا من العازولى الى العريش من يوم ١-١-٢٠١٨ والى
الان لم يتم الإفراج عنهم ولا نعرف أماكن احتجازهم لهم ٦ سنوات لم نراهم ونفسنا
نطمئن عليهم

<http://tiny.cc/vwvimz>

عن معتقلي الأمل



مع وقف أعمال المحاكم، وتأجيل جلسات التقاضي، من الصبح باتصل بخدمة التلغراف ١٢٤ عشان ابعت تلغراف للنائب العام للمطالبة بخروج ابني سجين الرأي، في ظروف غير إنسانية وسط حالة وباء تمر بها البلاد.. ترد على الرسالة المسجلة التالية: "عميلنا العزيز، نشكركم لاتصالكم بخدمة التلغراف من وي، ونعتذر عن الرد عليكم للظروف التي تمر بها البلاد، نرجو اتباع إجراءات السلامة..." مامة حسام مؤنس راحت تعمل تلغراف من السنترال، برضه قالوا لها خدمة التلغراف موقوفة!! مش عارفة اللي عايز يبعت تلغراف بخصوص الظروف التي تمر بها البلاد، يكلم مين في مصر؟

<http://tiny.cc/s1vimz>

منى سيف

حاجة عجيبة قد ايه انا لسة منتظرة ان لما نبقى بنواجه كارثة مرعبة وجديدة زي خطر فيروس كورونا، ده يظهر أفضل ما في البني ادمين، كل كل البني ادمين.. ان ده يخلي الناس يفهموا يعني ايه ما فيش نفر هينجو بطوله، ولوحصل ونجي لوحد هيهيب ايه في العالم الكئيب اللي هيبقى اصلا أيوه للأسف مصيرنا مرتبط ببعض، عشان ننجو لازم نعمل اجراءات تنقذ كل المواطنين، كل البشرية.. العاملين بالدولة والعاملين بالقطاع الخاص والعاملين باليومية موظفين ظباط مسؤولين قادة مخبرين صغيرين كبار مساجين



سجانين أحرار عمال رجال اعمال عاطلين كل كل حد للأسف مفروض علينا معركة بقاء

مشتركة بس أغلب المشاركين -خاصة اللي بايدهم القرارات- مصرين يتعاملوا بمزيج من الجهل والعنجهية على انهم اسياد العالم وان الأهم دلوقتي الحفاظ على مكتسباتهم من تعذيب/قمع/حبس/خوف/وفلوس متكوشة على قلوبهم مع الأوبئة: العلم والتكاتف والتشارك والشفافية هم بس طريق الخلاص! الرحمة!

#كورونا_مصر

#فيه_وباء_خرجوا_السجناء

<http://tiny.cc/o3vimz>

يوم في حياة والدتي العليمي ومؤنس وزوجة هشام فؤاد ورحلتهم لإرسال طلب للنائب العام للإفراج عنهم: عفوا خدمة التلغراف متوقفة

“نناشدكم باتخاذ قرار إنساني بالإفراج عنهم، إسوة بباقي دول العالم خوفاً من تفشي وباء كورونا ووصوله -لا قدر الله- إلى السجون مما قد يتسبب في كارثة إنسانية يصعب تدارك تداعياتها” كانت هذه هي الرسالة التي ارادات 3 سيدات إيصالها للنائب العام للإفراج عن ذويهم اليوم ، لكن إيصال الرسالة كان له قصة مختلفة تضاف إلى معاناة أسر المحبوسين.

رصد “درب” رحلة 3 من أسر معتقلي قضية الأمل اليوم الأحد، لمحاولة تقديم تلغرافات للنائب العام للإفراج عن ذويهم خوفاً من تفشي كورونا، هذه المحاولة لم تكن الأولى فقد سبقتها محاولة أخرى مع بداية تفشي الوباء والاجراءات الاحترازية التي اتخذتها الحكومة والتي كان في مقدمتها منع الزيارات عن المحبوسين احتياطياً بدلا من إطلاق سراحهم رغم تصاعد النداءات والدعوات المطالبة بالإفراج عنهم.

صباح اليوم كانت كل من الكاتبة الصحفية إكرام يوسف والدة المحامي والبرلماني السابق زياد العليمي، ومديحة حسين زوجة الزميل هشام فؤاد، ونجلاء محمد، والدة الزميل حسام مؤنس على موعد لتقديم التماس ونداء للنائب العام، للإفراج عن ذويهم. رحلة شاقة بدأت مبكراً وسط تحذيرات الأرصاد من الخروج لسوء الطقس، كان الاتفاق أن تقوم إكرام يوسف والتي كانت قد توجهت للسجن قبل أيام لإدخال الأدوية والمنظفات والمطهرات اللازمة لمواجهة كورونا، بإرسال تلغراف عبر التليفون، أما والدة حسام وزوجة هشام فؤاد، فقد اختارت أن يتم الإرسال من خلال مكتب التلغراف، خاصة وأن مديحة حسين كانت على موعد للذهاب إلى السجن لتودع الاحتياجات الخاصة بزوجها في الأمانات، ورغم اختلاف الطرق إلى أن النتيجة كانت واحدة. توجهت مديحة في الصباح إلى السجن فيما توجهت والدة حسام إلى مكتب التلغراف لتحاول إرسال النداء لكن المفاجأة التي كانت في انتظارها أن الموظفون أخبروها أن

الخدمة متوقفة، سألتهم هل يمكن ارسال ذلك عبر التليفون كانت الإجابة هي التي سمعتها إكرام يوسف ستجدين رسالة صوتية تحمل نفس المعنى أنه غير مسموح بإرسال تلغرافات وأن الخدمة لا تعمل بسبب الظروف الحالية.

تقول مديحة حسين كنت ابذل قصارى جهدي للعودة بسرعة لإرسال التلغراف فلم يعد لنا أمل إلا الاستجابة لمطالبنا، ورغم توقعنا للنتيجة فلم يكن أمامنا إلا أن نقوم بما نراه، بعد شهر من المنع من الزيارة، دون سماع أي أخبار عن أهلك في ظل المخاوف الحالية لن يكون أمامك إلا التعلق باي احتمال مهما كان ضعيفا "الغريق يتعلق بقشاية" عادت مديحة مسرعة إلى رفيقة الرحلة والدة حسام مؤنس حسب، لتخبرها بأنه حتى إرسال التلغراف، صار مطلبا صعبا، تواصلت مع إكرام يوسف لتخبرهما أنها هي الأخرى لم تستطع إرسال التلغراف من خلال الهاتف

تقول زوجة الزميل هشام فؤاد لـ"درب" بعد تشاور لم يعد أمامنا إلا إرسال التلغراف، من خلال خدمة واتس، طبقا لما أخبرها المحامون، بعد أن تواصلت معهم للبحث ع طريقة لحل المأزق الذي يواجهونه والذي يمنعهم حتى من ارسال طلب رسمي بالإفراج بسبب وباء منع العاملين من العمل، فيما لازال هناك من يرفض خروج أحبائهم، رغم أنهم لازالوا في مرحلة الاتهام وهناك بدائل مختلفة للحبس الاحتياطي، هكذا علمتها التجربة التي خاضتها بين النيابة السجن والمحكمة للمطالبة بحرية هشام ورفاقه وكل المحبوسين في قضايا رأي.

أما والدة زياد فقد عبرت عن ضيقها من الظرف الحالي بقولها: "ما فيش جلسات والمحبوس احتياطيا تحت التحقيق حيثجدد حبسه من غير تحقيق (يعني هو كان بيتجدد حبسه قبل كده بتحقيق؟) والمحكوم عليه مش حيقدر يستأنف (يعني هو كان فيه أمل أصلا من الاستئناف؟)".

وأضافت: "حتى مخاطبة النائب العام بتلغراف مش متاحة عشان خدمة التلغراف واقفة (يعني كان حد اهتم بالتلغرافات اللي بعننا لما كانت الخدمة شغالة؟ كما كنت، ما لناش غير ربنا.. ليس لها من دون الله كاشفة، اللهم عدلك."

بعد ساعات ورغم الغضب الذي سيطر عليها تواصلت درب مع إكرام يوسف فجاء الرد أنها الان تقوم بإرسال الطلب عبر واتس رغم أنها تعرف مصيره"

وتقول نجلاء محمد والدة حسام، لدرب أنها لم يكن أمامها سبيل إلا أن تضع نداءها وطلبها على صفحة فيسبوك وستقوم بإرساله عبر واتس أب طبقا لنصيحة المحامين. وطالبت كل منهن في النداء الذي حصل "درب" على نسخة منه، النائب العام باتخاذ قرار إنساني بالإفراج عنهم، إسوة بباقي دول العالم خوفاً من تفشي وباء كورونا ووصوله -لا قدر الله- إلى السجن مما قد يتسبب في كارثة إنسانية يصعب تدارك تداعياتها، بحسب ما جاء في النداء.

يذكر أن عدة دول اتخذت قرارات بالإفراج عن أعداد من المحبوسين خوفًا من تفشي كورونا. وطالب سياسيون وحقوقيون في مصر بالإفراج عن المحبوسين احتياطيًا ممن لا يشكلون خطرًا على الأمن، خاصة المحبوسين على ذمة قضايا سياسية ورأي.

<https://bit.ly/3aPUmK9>

عن أحمد ومحمد حسن مصطفى

في هذا الليل أعلم كم تكره الملل أعلم كم تكره ان يمر عليك الوقت بطيء وثقيل هكذا أعلم أن روحك المليئة بالحيوية والحياة تأتي السجن تأتي وحشته وظلمة وظلمته أيضا ذاك الصبي المختبئ في ثنايا روحك مستمتع بقصص ميكي وبطوط والرجل المستحيل حتي انه ينهمك فيها لدرجة ان الوقت وكل شيء يتوقف لايشعر بأحد او بأي شيء لا أعلم كيف يمر عليك الوقت بدونهم بدون حكايات بطوط التي تجعلك تقهقه وتضحك بصوت مرتفع ، كيف بدون الغاز



الرجل المستحيل وتنبؤك بحل اللغز لا أعلم كيف يكون الوقت في ظلمة زنزانتك واهات وأحلام شركائك ممن شاركوك نفس المصير اتمني لك ليلة هائنه خفيفة علي قلبك

وروحك يا صغيري (محمد)

#الحرية_لمحمدحسن

#أحمد_حسن_فين!؟

<http://tiny.cc/jl8lmz>

عن عبد الرحمن نبيل

يدبر الأمر

انا واثقه من حكمه ربنا وعدله ورحمته بس كان نفسي عبدالرحمن يخرج. عبدالرحمن للأسف اتعمله قضيه جديده بعد اختفاء شهرين. ادعوله وادعولنا.

صابرين وراضين و عشامين ف كرم الله و متطمنين و واثقين ف قدر الله

#الحرية_لعبدالرحمن_نبيل

<http://tiny.cc/q6asmz>

عن محمد محيي الدين

لازم اكل صحي للمناعة وده مش متوفر والاهل كانوا مسؤولين عن دخول الخضار والفاكهة لازم نفسية كويسة عشان المناعة وده مش متوفر خالص بسبب الظلم وحاليا بسبب منع الزيارات وانقطاع أي اخبار من شهر كامل. لازم نضافة ومنع أي ازدحام وده من المستحيلات في الزنازين المقززة المتكدسة. السجون بيئة خصبة للفيروس واجساد المحبوسين المهلكة صحيا من قلة الاكل الصحي والمهلكة نفسيا من الظلم و منع أي تواصل مع الاهل طعم سهل لأى مرض. منع الزيارات اذى متعمد من كل الاتجاهات صحيا ونفسيا ودول كتير استوعبت ده



وأفرجت عن سجنائها
احنا فين وامتي نفوق ونبطل تجبر
#الحرية_لمحمد_محيي_الدين
<http://tiny.cc/sp8lmz>

عن د. وليد شوقي

حبيبي وليد
شهر كامل معرفش حاجة عنك ومتأكدة إنك هتجنن
وتطمئن علينا.. وحشتني أوي فوق متتخيل.. نور بقت
شقية جدا ومش بتبطل كلام معرفش طالعة لمين لا أنا
ولا انت كده بتبهدلني وتمرمطني وترجع تقولي آسفة وأنا
بسامحها عادي D: متأكدة إنك لما تطلع لها قريب
هتتعلق بيها أكثر ونرجع لخناقة زمان علشان هقولك هي
بتحبك أكثر مني.. كل متضيق افتكر كلامك في آخر زيارة
وازاي كنت بتصبرني مع إنه المفروض أنا أعمل كده.. آسفة اني مكنتش بعمل ده.. الناس
كلها بتشتكي من الحجر المنزلي بس انا مش حاسة بقسوته لاني عشته من أول القبض
عليك من سنة ونص.. ماما بتحلم بيك تقريبا كل يوم علشان بتفكر فيك طول الوقت
وبتحلم إنك خرجت وأنا بصدق في العلامات.. يا رب تكون بخير وتطلع لنا قريب أوي
وتقرا الكلام ده بنفسك.



<http://tiny.cc/hg8omz>

عن علاء عبد الفتاح

علاء ماعندوش زيارة بقاله اسابيع علاء محروم من الكتب والجرايد والمراسلات من قبل الكورونا علاء محروم من الشمس والتريض من قبلها برضو ما ادوناش فرصة نشرحله حقيقة الوضع والمرض بينتشر ازاي برة وايه طرق الوقاية منه اشك انهم حاولوا يفهموهم اصلا ايه اللي حاصل فجأة عزلة فوق العزلة، وحبسة مضاعفة ليه.. وكل ده ليه اصلا؟ هو علاء في السجن ليه!!؟

#خرجوا_علاء

#فيه_وباء_خرجوا_السجناء

<http://tiny.cc/grcqmz>

عن د. وليد شوقي

زي كل يوم أربع بسيب فلوس لوليد في الأمانات ودوا بتخمين مني طبعا.. طلع واحد رش قبل ما الحاجة تتفتش ميه وكلور وده مهم جدا طبعا وواحدة من اللي كانت بتفتشنا وقت الزيارات طلعت تقول "اعملوا طابور يا جماعة وبين كل واحدة والثانية متر احنا خايفين عليكم".. طيب انتم مش خايفين على اللي جوه اللي قاعدين في نص متر! وبعد شوية طلع الشخص يعقم تاني وشخطوا فينا علشان نلتزم بالطابور ولقيننا مساعد الوزير على حسب وصفهم بيمر.. شكرا يا جماعة انكم خايفين علينا واتمنى تكونوا خايفين على اللي جوه أكثر او طلعوهم واحنا بنعفيكم من المسؤولية دي خالص!

<http://tiny.cc/c8cqmz>

عن محمد عبد الغني

أنا حاسة ان محمد معدش موجود. محاولاتي كلها في وصف أفكارى ومشاعري بتوصل للنقطة المخيفة دي. خلال أربع شهور-شهرين منهم مفيش أى تواصل بيه ولا علم بأخباره ورعب على صحته وحالته النفسية- شفناه خمس مرات بس متوزعه على كل واحد مننا لمدة لا تتجاوز النصف ساعة. كنا بنحاول نتأكد أنه حى يرزق بنسأله عن نومه وأكله وشربه ونطلب منه يوصينا بطلبات ونستأذن له في أى شيء يهون عليه الوضع، نصف ساعة مكنش فيها أى



مساحة نكلم بجد عن حاله ونحكيله عن أخبارنا وسط حوالي 100-150 شخص في عز دوشة غرفة الزيارة الصغيرة. كأن النصف ساعة دي كانت بتهون علينا وعليه 18 ساعة الي بنقطعهم عشان نساقرله ونقطع النهار كله في طواير وتفتيش. وبتهون عليه حبسة طول الأسبوع وسط 80 بنى ادم فيجري ينده علينا من أول ما بوابة المرور تفتح ويبص ملهوف عالشبابيك عشان يلمح مين جاله الأسبوع ده، وييجي يهزر وينكت ويعرفنا على زمايله في الزنزانة عشان نتواصل مع أهلهم برة ونتساعد. بعد 5 أسابيع\36 يوم انقطاع تام عن اى خبر ليه -مش تواصل حتى- أصبح حقيقة أن محمد مبقاش موجود ثقيلة جداً، وكل التفاصيل اليومية الى اختفي منها أثقل، وميخففش منها حتى النصف ساعة الى كنا بنتصبر بيها. الحقيقة أني خيفة وحاسة إن الأخ الى كان عمود البيت اختفى مش غايب لفترة مؤقتة. اختفى في حبس مش معلوم له مدة عقوبة ولا مصير ولا ظروف. الحقيقة أني خيفة ومأهلة نفسي لغياب طويل لمحمد أحفظ لعقلي وقدرتي عالاحتمال من أمل واهي جداً برجوعه كل مرة تجديد عرض عالنيابة.

<http://tiny.cc/6hdqmz>

عن علاء عبد الفتاح

تحديث: ماما استلمت جواب من علاء ماما من الساعة ١٠ ص عند سجن طرةLaila Soueif ! بداية الموضوع: يوم الثلاثاء ماما كانت بتوصل للسجن مستلزمات النظافة والتعقيم لعلاء والامانات زي كل اسبوع. احنا كدة عدينا شهر منقطعين تماما عن الزيارة وماعدندناش اى فكرة هم بيتصرفوا ازاى والحاجات اللي بنسيبها بتوصلهم كلها ولا لا وصحتهم عاملة ايه. فماما طلبت انهم يجيبولها ورقة من علاء تطمئنها عليه، بعد مباحثات واتصالات قالولها تعالي بعد بكرة وهتاخدي جواب. فراحت النهاردة وبقالها ساعتين منتظرة وعالبوابة بيقولولها لسة ماחדش رد علينا.. واديهما مستنية مش ممكن الصحة والوقت اللي بيهدروا على حاجات بسيطة وبديهية وانسانية!

<http://tiny.cc/iabsmz>

اخيرا تسلمت جواب من علاء، دي شوية مقتطفات منه "احنا كلنا كويسين صحيا على الأقل. بس العزلة صعبة جدا والقلق عليكم غالب. غياب المعلومات الرسمية من خلال الجرائد والراديو مخلينا عرضة للشائعات و البلبلة ومش فاهمين خالص الوضع بره حقيقته ايه

موضوع مستفز جدا اني ابقى هنا نظريا في وضع آمن بالنسبة للمرض وانتي عرضة ليه
وخالد محتاجني.
الأدهى اني مش فاهم خالص ازاى بيتجدد حسبنا تلقائي بدون جلسات. ده حاجة مالهاش
أي أساس قانوني
...اطمنوا الأكل بتاع الكانتين كويس والتعيين اتحسن
...أنا بافكر في بابا كتير وبحلم بيه. وواحشني الرغي معاكي "
<http://tiny.cc/pbbsmz>

عن باتريك جورج

تصريح من أسرة باتريك زكي:
مضى أكثر من شهر منذ آخر مرة رأينا فيها باتريك، نحتاج
فقط أن نطمئن على سلامته! آخر مرة رأينا فيها باتريك
كانت بتاريخ ٩ مارس ٢٠٢٠ أثناء آخر زيارة سمح لنا بها.
منذ ذلك الوقت، ونحن لا نعلم أي شي عن باتريك على
الإطلاق حيث تم تعليق جميع الزيارات بالسجون منذ ١٠
مارس الماضي. إن الكلمات تعجزنا عن وصف مدى خوفنا
وقلقنا على صحة باتريك بسبب ظروف الوباء الحالي، ما
يزيد قلقنا هو وضع باتريك الصحي كونه مريض ربو، وكل ما
نطالب به خلال هذه الأوقات العصيبة هي أن نسمع صوته فقط لنتأكد من سلامته. إن
مكالمة تليفون واحدة لن تضير أحدًا لكنها بالتأكيد ستخفف من الألم الذي يعتصر قلوبنا
ليل نهار من جراء افتقادنا لابننا وقلقنا عليه.



#الحرية_لباتريك_جورج

<https://bit.ly/3a49H8C>

عن أحمد ومحمد حسن مصطفى

انا حاسة أنى غضبانه جدا غضبانه من الفرص الضايعة من الحاجات المتأخرة الي مجتش بوقتها غضبانه من البعد والمسافات وقله الحيله، غضبانه من الوحدة واليأس واحساس الخذلان، غضبانه من الأمل والانتظار والعشم ان بكرة جاي احسن، غضبانه ان مفيش غير الانتظار وامل ان الباب في لحظة يخبط ويكونوا محمد واحمد، غضبانه من نفسي وغضبانه لغضبي ووحشة الايام دى غضبانه وحققي روجي واصلة حد السما وموجوعة

#نشرة_اخبار_نور_لطقس_اليوم

<http://tiny.cc/uynxmz>

أهالي

نطالب نحن أهالي المحبوسين بالسجون المصرية، وزير الداخلية والنائب العام بالاطمئنان على ذوينا ، لقد مر أكثر من شهر على قرار مصلحة السجون بمنع الزيارات! وناشدهم بأن يضعوا حلاً لهذا ونقترح على مصلحة السجون أن يسمحوا لكل مسجون بمكالمه هاتفية لأهله كل أسبوع تحت إشراف منهم..

#خرجوا_المساجين

<http://tiny.cc/02oxmz>

عن ا. محمد الباقر

هموت من القهر بجد.. ايه الظلم ده.. الظلم تجاوز كل حدود ومنطق وعدل ورحمة وقانون.. أنا في قمة الغضب.. لسه راجعة من الأمانات في سجن شديد الحراسة ٢.. رحت اسلم جواب زي ما دكتورة ليلى سويف سلمت جواب لنفس السجن الثلاثاء اللي فات.. وقلت وقتها أخيراً فيه حد بدأ يفكر في حقوق المساجين وأهلهم ويتعامل إننا في دولة محترمة زي باقي دول العالم اللي سامحين بمكالمات وجوابات.. لكن اترفض النهاردة الجواب واتقال إن جواب دكتورة ليلى كان حالة استثنائية ولو حد حصل له حاجة هنبلغكم!! احنا بقالنا شهر وأسبوع من آخر مرة شفنا محمد فيها.. لكن لا حياة لمن تنادي.. ويتقالي لما تفتح الزيارة ابقوا قولوا كل اللي عايزينه ليهم!!! هوه بينفذ الأوامر.. لكن هل فيه حد فعلاً فكر إن المعتقلين واحنا بشر.. هل حد فيهم يستحمل يكون أسبوع في مكانا!؟؟؟

ويا ريت كفاية على كدا.. لكن كل الفايتمينات ومقويات المناعة والكحول وجل التعقيم ممنوع يدخل!!؟؟! يعني الفايتمينات ومقويات المناعة يتمنعوا من الدخول لما يبقوا في أشد الحاجة ليها!! حاجة من ورا العقل!!
خطاب الدولة المعلن عكس اللي بيحصل في السجون تماماً.. ومش سايبين لينا اختيار غير الغضب والجنون
#الحرية_لباقر

<http://tiny.cc/hxnxmz>

ا. إكرام يوسف

معلش احنا بنتكلم!!..الجماعة بتوع والله الدولة عملت اللي عليها والشعب هو اللي ما عندوش دم وجاهل!!..ممكن افهم الدولة عملت اللي عليها ازاي مثلا عشان ما يبقاش كلام مرسل؟

-يعني الدولة وفرت أدوات الحماية والسلامة للمستشفيات والأطقم الطبية؟
-الدولة وفرت أماكن عزل تكفي الناس، وضمنت تحليل الفايروس لكل المخالطين بدلا من انتظار ظهور الأعراض؟

-الدولة قالت للمواطنين خليك في البيت وعملت زي بلاد تانية، أمنت احتياجات الغلابة من الطعام والعلاج ووصلته للبيوت عشان مايخرجوش من بيوتهم؟ (وماحدش يقول لي اننا بلد فقيرة قوي، ممكن شوية فلوس من اللي بتتصرف على العاصمة الإدارية والقصور الرئاسية تستقطع لدعم الغلابة في فترة الوباء) امريكا اللي هي ام الرأسمالية عملت رواتب للعاطلين تكفيهم لحياة كريمة، وقررت دفع رواتب العاملين مع منحهم إجازات عدة شهورا

-الدولة فرضت على رجال الأعمال يقعدوا العمال شهر او شهرين بأجر (من فائض ثرواتهم المكدسة بفضل عرق العمال نفسهم)؟

-الدولة فرضت على المصانع توجيه خطوط الإنتاج لإنتاج اجهزة التنفس والأجهزة الطبية؛ زي ما اضطرت امريكا ام الرأسمالية تعمل مؤخرا؟

-الدولة فرضت حظر كلي صارم بعد ما ضمننت لغير القادرين احتياجاتهم؟

-الدولة خففت التكدس في السجون عشان ما تبقاش بؤرة لانتشار المرض، وأخرجت الناس اللي بقالها شهور وسنين تحت التحقيق ومش عارفين يقيفوا لهم تهمة، والمدانين بأحكام بسيطة في قضايا لا تمثل خطورة على المجتمع، زي سجناء الرأي والغارمين والغارمات والمدانين في تهمة بسيطة، وكبار السن والمرضى؟ حتى لو فرضت على المحكوم عليهم قضاء مدة المحكومين تحت إقامة جبرية؟

ياريت بس نبطل كلام في المرسل، واللي شايف الدولة عملت اللي عليها يقول لنا ايه اللي عملته بالضبط؟

<http://tiny.cc/m3nmxz>

عن جعفر الزعفراني

صباح الخير يا جعفر في مكانك البعيد هو أنا منمتش من الأساس من القلق عدي اكر من شهر منعرفش عنك خبر واحد... ربنا رحيم يارب تكون بخير ومتحاوط بناس طيبه والرحمة في قلوبهم
#الحريه_لجعفر_الزعفراني
<http://tiny.cc/yaoxmz>



أنقذوا أسرتي من الموت البطيء

بتاريخ 13 فبراير 2020 قامت قوات الأمن باعتقال نجلي أحمد وشقيقي فؤاد وإخفائهما قسريا لعدة أيام، ثم وجهت لهما لاحقا اتهامات بالانتماء لجماعة إرهابية وواصلت التجديد لهم وحبسهم على ذمة التحقيق.
الاعتقال هو محض تصفية حسابات سياسية وعملية انتقامية خارج إطار القانون، بعد مشاركتي في فيلم بسبوسة بالقشطة والضجة التي أحدثها بعد فوزه بالجائزة الماسية بمهرجان الفيلم الأوروبي، وما يؤكد ذلك هو عدم انتماء أي فرد من عائلتي لأي كيان سياسي يوما من الأيام.

إنني أحمل النظام المصري مسؤولية سلامة أسرتي والحفاظ على حياتهم وأدعوه للإفراج الفوري غير المشروط عنهم، كما أناشد كافة المنظمات الحقوقية بسرعة التدخل للإفراج عن أسرتي لاسيما مع تواتر أنباء عن تفشي كورونا في السجون المصرية في ظل التكديس، وانعدام الرعاية الصحية وسوء التغذية وهو ما يعرض حياتهما للخطر البالغ.

محمد شومان

12 أبريل 2020

<http://tiny.cc/gxoxmz>

عن ا. زياد العليمي

رحت ليमान طره حاولت ادخل جواب لزياد (زي ما بتقول لوائح السجن اللي بتسمح بأربع جوابات شهريا في الظروف العادية اللي مش ممنوع فيها زيارات) رفضوا!! وبعدين دخلت الادوية والسجاير ودفعت فلوس الكانتين، ولقيت العسكري استبعد قزازه الكولونيا، وسألت الضابط، فقال لي ان زياد بيتعامل دلوقت معاملة الجنائين بعد الحكم عليه في قضية أبو النجا المحرزي (عليه من الله ما يستحق) قلت له كويس قوي، عاملونا بقى معاملة الجنائين ودخلوا الجوابات زي ما بتعملوا مع الجنائين، وهاتوا لنا منه رد!! قال لي "لا، فيما عدا الجوابات"!!.. عرفت انه المفروض زياد يتعامل زي الجنائين، لكن ما ياخدش امتيازات الجنائين لانه سياسي!!

يا دولة الظلم انمحي وببيدي

#الحرية_لزياد_العليمي

<http://tiny.cc/6xoxmz>

عن ا. محمد الباقر

نص الجواب اللي حاولنا ندخله لمحمد امبارح ورفض السجن استلامه: سارة أختك: أنا يا كبير زي الفل الحمد لله، وماما وخالاتو وعمتو والأعمام والأصحاب والجيران وكل الناس بتسلم عليك كثير أوي خالص، والشغل تمام والحمد لله، يوم بعد يوم ليك وحشة كبيرة، خلي بالك من نفسك كثير جدا!!!! يا أغلى الناس يا أخي. مراتك: محمد.. روجي.. واحشني فوق ما تتخيل.. على رأي الست فيروز "كبر البحر وبعد السما.. شو بحبك يا حبيبي":

أنا كويسة الحمد لله، ومامتك كويسة وبخير ومش بتنزل من البيت، والمكتب في شغلي كله بيشتغل من البيت بقالنا ٣ أسابيع وبنبعت اللوح والرسومات اون لاين. وأهلي شوية منهم شغالين من البيت، وشوية نزلوا بس واخدين احتياطاتهم. وتاليا رغم المدارس وقفت إلا إن مدرستها لسه مكلمة أون لاين يوميا، ودليلة بقت قرده ومش بتبطل كلام. مصر لحد دلوقتي ربنا ساترها معانا مقارنةً بدول زي ايطاليا واسبانيا وفرنسا والمانيا اللي متوسط عن ١٥٠ ألف إصابة، وامريكا حوالي نص مليون إصابة، والعالم كله فيه فوق المليون ونص إصابة و ١٠٠ ألف وفاة، فاحنا الحمد لله لسه في مصر تحت ال ٢٠٠٠ إصابة و ١٣٥ وفاة حسب الأرقام الرسمية.

الكوكب كله بقى كأنك في فيلم خيال علمي، حظر تجوال باختلاف عدد الساعات حسب الدولة، مفيش طيران ولا كورة ولا أولمبياد ولا مطاعم ولا دور عبادة ولا حج ولا عمرة ولا

سينمات ولا حفلات ولا شواطئ ولا نوادي، وبابا بقي يطبخ ٣ أيام في الأسبوع :) وأنا بخبز كيك وعيش وبابا وأخويا بيحلقوا في البيت):
معلش طبيعي أنك كل شوية يتأجل عرضك عشان الوضع العام، عرضك الجاي مفروض ١٨ إبريل، واللي مصبرني على تأجيلات عرضك إني عارفة إن كدا أفضل عشان صحتك من أنك تتنقل وبعدها تتأجل.
حافظ على نفسك عشان خاطري، انت أعلى ممتلكاتي في الدنيا :) واغسل ايديك بالمائة والصابون على طول، وحتى شبشبك وأي حاجة تشتريها من الكانتين اغسلها، وغطي وشك بفوطة وحد بيحلقك عشان العدوى بالتنفس، وطمني عليك وعلى صحتك وابعثي الأدوية اللي محتاجها (دي الحاجة الوحيدة المسموح ندخلها عشان يقللوا احتمالية نقل العدوى ليكم من برا).
بفكر فيك كل لحظة في اليوم، وحشاني ضحكك جداً وواحشني
أكلنا مع بعض وفرجتنا على الأفلام وخروجنا وسفرنا وكل لحظة لينا مع بعض. عارفة إنك جدع وجميل وبتعرف تهون على نفسك الدنيا وتهونها على الناس، وبتعرف تتمسك بالأمل وبتشوف الحطة الحلوة في كل الناس، ما عشان كدا حبيتك :) أهلنا واصحابنا كلهم بيسلموا عليك وبيحلموا بيك وبيدعوك.
حضن كبير أوي جداً خالص لحد ما اشوفك
حبيبتك

<http://tiny.cc/azoxmz>

عن سولافة وإسراء ودواد وهشام ومؤنس والقباني والصيدا وودنان وشاكر وسبيع والأعصر والبنا وعبدالله وصبري.. (صحفيون بالحبس)

على الرغم من إطلاق عدد من الدول سراح آلاف السجناء خشية انتشار عدوى فيروس كورونا المستجد، لا يزال مصير أكثر من 30 صحفياً مصرياً محتجزاً مجهولاً، - طبقاً لمنظمات حقوقية بينها الشبكة العربية لحقوق الإنسان، يأتي ذلك وسط مطالبات محلية ودولية وحقوقية بضرورة إخلاء سبيلهم، آخرها



مذكرة تقدم بها 6 أعضاء بمجلس نقابة الصحفيين للنائب العام المصري، طالبوا فيها بإخلاء سبيل الزملاء المحتجزين في هذا الظرف الاستثنائي، حفاظاً على حياتهم

وصحتهم، مؤكدين أن الحق في الحياة والصحة العامة مبادئ دستورية راسخة يجب التمسك بها.

جاءت مذكرة أعضاء المجلس بعد أيام من إطلاق «اللجنة الدولية للدفاع عن الصحفيين» حملة لمطالبة الحكومات بإطلاق سراح أكثر من 250 صحفياً محتجزاً في العالم، أكدت فيها أن حريتهم أصبحت مسألة حياة أو موت «حيث لا يمكنهم التحكم في محيطهم، ولا يمكنهم اختيار العزل، وغالبا ما يحرمون من الرعاية الطبية»، بحسب بيان اللجنة.

ثلاثون يوماً غابت فيهم أخبار الزملاء بعد قرار وزارة الداخلية الصادر في 9 مارس بتعليق الزيارات بالسجون، وأعلنت بعد ذلك تمديد تنفيذها، في ظل استمرار تعطيل الجلسات أمام النيابة والمحاكم، وسط تخوفات أسرهم من انتقال فيروس كورونا إلى السجون التي تواجه خطراً عالياً بنقل العدوى وتفشيها، ويزيد من حدة المخاطر أن بعض الصحفيين المحبوسين يعانون من أمراض تضعهم ضمن الفئات الأكثر عرضة للإصابة.

منع زيارات وانقطاع أخبار في مصر.. إخلاءات في الخارج
حالة من الذعر أصابت الأهالي عقب قرار تعليق الزيارات، لمنع إدارات السجون دخول الأطعمة المطبوخة والنيئة والمعلبات والمخبوزات، والتي يعتمد عليها المحتجزون بشكل أساسي. وفي الوقت الذي سمحت فيه بعض السجون بدخول المنظفات والأدوية، منعتها سجون أخرى بشكل قطعي.

يقبع بسجن طرة- تحقيق العدد الأكبر من الصحفيين المحتجزين، جميعهم متهمون بنشر أخبار كاذبة والانضمام لجماعة إرهابية، وفي الوقت الذي صرح فيه مأمور سابق لأحد سجون ولاية كاليفورنيا لصحيفة «وول ستريت جورنال» تعقيباً على قرار الولايات المتحدة بإخلاء سبيل آلاف السجناء منعا لتفشي الفيروس بأن «بعض الزنازين يمكنها سجينين أو ثلاثة، وبالتالي سيكون من المستحيل منع الفيروس من الانتشار»، يزيد عدد المحتجزين في كل زنزانة بطرة- تحقيق في بعض الأوقات عن 20 شخصاً، ينامون جميعاً على بلاط الزنزانة التي تخلو من الأسرة والمراتب.

يقول شقيق المصور الصحفي حسام الصياد: كانت الأوضاع قد بدأت في التحسن مع قرب انتهاء فصل الشتاء الذي واجهنا فيه تعنتاً شديداً في إدخال احتياجاته، ومنعنا من إدخال الملابس الشتوية والبطاطين. في اليوم التالي للقرار ذهبت لإدخال بعض الأطعمة والمنظفات، ولم يتم السماح إلا بترك نقود باسمه في الأمانات.

وبينما تمكن محمد في الزيارة التالية من إدخال بعض المنظفات لحسام، منع محمود شقيق الزميل أحمد شاكر من ذلك: سمحوا لي فقط بترك نقود باسمه، ويكون دائماً الرد «كل حاجة متوفرة جوا.»

تسمح إدارة السجن بدخول الخطابات للمحتجزين الجنائيين فقط، وترفض استلامها من أهالي السياسيين، مثلما أوضح شقيق أحمد شاعر، متابعا: علمنا من بعض المحامين بوجود نقص في محتويات الكانتين بسبب الأوضاع الحالية، فماذا عن الكلور والمنظفات؟ وبسبب انقطاع الأخبار من الداخل لتعليق الزيارات وتعطيل الجلسات، لم نستطع التأكد من معلومة نقص محتويات الكانتين، التي سمعناها من أسر عدد من الزملاء المحتجزين، والتي يلجأ لها المحتجزون بديلا لـ«تعيين السجن» السيء.

علمت آية زوجة الزميل حسن القباني بالسماح مؤخرا بدخول الخطابات للمحتجزين السياسيين، وعلقت: «هحاول أدخل له جواب أطمنه علينا وعالبنات، ياريت يوافقوا لأني عرفت من بعض الأهالي انهم رفضوا يستلموها منهم.»

يسمح لآية في كل زيارة بإدخال «ليمون» وترك نقود لحسن، وتقول: «المنظفات والمطهرات حسب اللي واقف، لو عايز يدخل بيدخل، ولو مش عايز خلاص.» أرسلت آية التي اختفى زوجها قسريا لمدة تجاوزت الـ 70 يوما، ثم ظهر متهما باتهامات حبس قبل ذلك احتياطيا بسببها 3 سنوات حتى خرج بتدابير احترازية، عدة تلغرافات للنائب العام لإخلاء سبيله، أو السماح له بعمل مكاملة لأسرته من محبسه وفقا للقانون، من دون جدوى.

وبسبب قرار تعليق الجلسات، تعذر نقل حسام الصياد وأحمد شاعر لنظر تجديد حبسهما أمام النيابة، وكان من المنتظر نظر تجديداتهما الأخيرة خلال هذه الأيام، تليه جلسات غرفة المشورة، التي يأمل شقيقهما أن يقرر فيها القاضي إخلاء سبيلهما بأية ضمانات، وهو ما تتمناه آية، التي اقترب زوجها أيضا من إتمام الـ 150 يوما في الحبس الاحتياطي.

مذكرات وتظلمات للنائب العام ولسات تجديد متوقفة لا نعرف حتى الآن ما سيحدث مع من سيكملون الـ 150 يوم في فترة تعليق جلسات النيابة والمحاكم. تقول المحامية هالة دومة التي تحضر التحقيقات مع عدد من الزملاء المحتجزين، بينهم مصطفى الأعصر، الذي أكمل هو والزميل حسن البن عامين في السجن، متجاوزين بذلك المدة القانونية للحبس الاحتياطي.

لا يختلف وضع مصطفى وحسن كثيرا عن وضع بقية صحفيي طرة- تحقيق، لا في ظروف الاحتجاز ولا في ممنوعات الزيارات، كما أشارت هالة دومة، التي تؤكد أنها تقدمت بالفعل بعدة تظلمات ومذكرات للنائب العام والمحامي العام لنيابة أمن الدولة العليا على استمرار حبس مصطفى بعد إكماله المدة القانونية للحبس الاحتياطي، من دون أن تتلقى أي رد. من جانبها، أقامت مؤسسة حرية الفكر والتعبير موكلة عن حسن البن، الأربعاء الماضي، دعوى أمام القضاء الإداري، للمطالبة بالزام وزارة الداخلية بالسماح لذويه بإدخال أدوات النظافة والمطهرات والكمادات والقفازات، وتمكينه من التواصل مع أسرته بأي وسيلة

كانت. استندت الدعوى على عدة عناصر، أهمها المادة 38 من قانون تنظيم السجون، التي نصت على حق المحبوس احتياطيا في التراسل والاتصال التليفوني بمقابل مادي. من طره للعقرب

تظلمات أخرى تقدمت بها هالة دومة موكلة عن الزميل معتر ودنان، المحبوس احتياطيا في سجن العقرب منذ أكثر من عامين، بعد القبض عليه بسبب حوار صحفي مع المستشار هشام جنينة الرئيس السابق للجهاز المركزي للمحاسبات.

من خلف قفص زجاجي كل شهر ونصف تطمئن هالة على معتر أثناء جلسات محاكمته، لتطمئن بدورها أسرته، في ظل منع الزيارات الدائم بسجن العقرب. وعبر حسابها على فيسبوك، كتبت ندى شقيقة معتر، الخميس الماضي: «سنتين وشهرين ممنوع من الزيارة، اتنكل بيه بطرق كثير. منع تريض مستمر وحبس انفرادي، مرورا بمرحلة كهرباء، وتأديب، وكل ده عشان عمل شغله.»

تزداد الأوضاع سوءا في «العقرب»، المحتجز به أيضا الزميل أحمد سبيع، بعد احتجازه بتهم «الانضمام والنشر»، وهي نفس الاتهامات التي قضى بسببها 4 سنوات سابقة في السجن ذاته.

تقول إيمان: ذهبت لإدخال بعض الملابس والمنظفات مرتين، في الأولى سمح لي بإدخال غيار واحد، طبق وكوب بلاستيكي، وقفاز طبي. في المرة الثانية ذهبت إيمان بحقيبة صغيرة بها بعض المنظفات، صابونة، مزيل عرق، لوفة، معجون وفرشاة أسنان و«كحول إيثيلي من بتاع المصانع الحربية عشان يرضوا يدخلوه»، لكنهم سمحوا فقط بدخول كيس برسيل ومعجون الأسنان وصابونة قاموا بتفتيتها إلى أربعة أجزاء ل«تفتيشها». رفض مسؤولو البوابة دخول النظارة الطبية لأحمد. تتابع إيمان: «بقولهم ما بيخوفش من غيرها يقولولي لأ بيخوف». وتضيف: «أتمنى على الأقل تكون الأدوية وصلت له، لأنه عامل عملية في عينه وعنده مشاكل في عصب في وشه بسبب الحبسة اللي فاتت.» رغم منعها من الزيارة من قبل قرار التعليق، ومنع الإدارة إدخال احتياجات للمحتجزين بالعقرب، تشعر إيمان بالمسئولية وتقول: «بحس لو قدرت أدخل حاجة واحدة بس كاتباله عليها كلمة هيحس بتواصل نوعا ما معانا.»

«قشاية الغريق»

«الغريق بيتعلق بقشاية» كان تعليق مديحة حسين زوجة الزميل هشام فؤاد، بعد إرسالها تلغرافا للنائب العام للمطالبة بإخلاء سبيله، في رحلة رافقتها فيها نجلاء محمد والدة الزميل حسام مؤنس، بعد أكثر من 9 أشهر على حبس الاثنين بسجن ليان طرة في قضية «الأمل.»

أرسلت السيدتان النداء - الذي لم يكن الأول منذ قرار التعليق - عبر تطبيق «واتس أب»، بعد فشل محاولات إرساله من مكتب التلغراف، لتوقف الخدمة من المكتب وعبر

التليفون بسبب الظروف الحالية، وطالبن فيه بالإفراج عن الزميلين حفاظا على حياتهما، مع اتخاذ كافة الاحتياطات القانونية اللازمة.

تقول مديحة: رغم توقعنا للنتيجة لم يكن أمامنا إلا أن نقوم بذلك، بعد مرور شهر من دون سماع أي أخبار عنهم. مضيعة: لا زالوا في مرحلة الاتهام وهناك بدائل مختلفة للحبس الاحتياطي.

مطالبات بالإفراج.. ونداءات من الأسر

انضم نقيب الصحفيين السابق يحي قلاش، لمطالبات الإفراج عن المحبوسين احتياطيا في قضايا الرأي، بينهم الصحفيين المحتجزين، مناشدا نقابة الصحفيين الانضمام للأصوات المطالبة بإخلاء سبيلهم. وكتب عبر حسابه على فيسبوك الأربعاء الماضي تدوينة تضامن فيها مع والدة الزميل حسام مؤنس، وزوجة الزميل هشام فؤاد، ووالد الزميل خالد داوود، المحتجز بسجن ليمن طرة.

منذ القبض عليه تقدم خالد داوود بعدة شكاوى للنيابة من سوء أوضاع احتجازه، حيث عانى لشهور من منع دخول أي متعلقات شخصية أو ملابس. يوضح المحامي محمد عبد العزيز عدم وجود أي إجراء قانوني يمكن اتخاذه في قضية الزميل - الذي يجدد حبسه الآن كل 45 يوم- سوى الانتظار حتى عودة الجلسات مرة أخرى.

ومن الليمان إلى عنبر الزراعة بطرة، حيث أودع مؤخرا الزميل سيد عبد اللاه، بعدما مر على سجن أبو زعبل- عسكري وأبو زعبل- جنائي، كما أوضحت زوجته أمنية، التي لا تعرف أي معلومة عن ظروف احتجازه بالسجن الجديد بسبب نقله إليه خلال فترة منع الزيارات.

اقتحمت قوة أمنية منزل سيد بسبب تصويره احتجاجات سبتمبر بمحافظة السويس، وتقول زوجته: تعدوا علينا أمام أولادنا بالسب والضرب، وأخذوه حافي القدمين. وتتابع: ينتفض أبنائي كلما سمعوا صوت باب المنزل. أحدهم يغلق غرفته ويجلس وحيدا ل«يتحدث مع والده»، والصغير لا يتعرف على صوته في الفيديوهات: «بسأله صوت مين ده يقولي "صوت راجل".»

وبالتزامن مع مرور عامين على حبسه احتياطيا بسجن القناطر على خلفية نشر تقرير صحفي مترجم عن «نيويورك تايمز»، أطلقت أسرة الصحفي عادل صبري رئيس تحرير موقع «مصر العربية» نداء طالبوا فيه بسرعة الإفراج عنه خوفا من إصابته بالفيروس، خاصة وأنه بات على مشارف الستين، ويعاني من عدة أمراض تؤدي لتدهور صحته كل يوم، مع غياب الرعاية الطبية اللازمة.

وصفت أسرة الزميل الوضع الحالي بالكارثة الإنسانية، وتساءلت في بيان نشر في 3 إبريل، ما إذا كان قرار تعليق الزيارات يحد من احتمالية انتشار الفيروس داخل السجون، محذرين من عواقب استمرار احتجازه وغيره من المحبوسين احتياطيا، خاصة كبار السن منهم، وسط ظروف غير إنسانية تشكل بيئة خصبة لانتشار الأمراض.

سولافه وإسراء

وفي القناطر - نساء لنا زميلتان، سولافه مجدي وإسراء عبد الفتاح. وبينما بدأت إسراء جلساتها أمام المحكمة في مارس الماضي، تنتظر سولافه جلساتها الأخيرة أمام النيابة لتبدأ بعدها مشوار تجديدات الـ45 يوم.

وضع سولافه استثنائي، حيث تحتجز هي وزوجها حسام الصياد تاركين طفلا لم يكمل 7 سنوات، فيما لم تلتفت النيابة للتظلمات المقدمة لإخلاء سبيل أحدهما من أجل مصلحة الطفل، استنادا على نص المادة 488 من قانون الإجراءات الجنائية، في مفارقة عجيبة حيث يحتجز الاثنان معا في القضية «488» حصر أمن دولة.

تقول شقيقة سولافه: قلقون للغاية لأنها تعاني من حساسية صدرية، ما يجعلها عرضة للإصابة بالفيروس بسهولة. ولا نعرف ما إذا كانت الإدارة تتخذ الاحتياطات اللازمة لحمايتهم، خاصة وأنه قبل قرار تعليق الزيارات اقتصرت الإجراءات على تنبيهات شفوية على المحتجزات، و«تشميس الفرشة» مرة في الأسبوع.

تضيف سندس: تمكنا الخميس الماضي من إدخال بعض الفواكه والمعلبات لها، كما سمحوا لنا بإدخال خطاب لنطمئنها علينا. وهو ما نجحت فيه شيماء شقيقة إسراء عبد الفتاح أيضا، وتقول: طمأنتها على أمي التي لم تستطع زيارتها إلا مرات معدودة منذ القبض عليها في أكتوبر الماضي بسبب حالتها الصحية.

تؤكد شيماء عبد الفتاح أنه حتى اليوم لم تستجب النيابة لطلب المحامين بفتح تحقيق في واقعة تعذيب إسراء، على الرغم من إضرابها لمدة تجاوزت الـ40 يوما، نقلت خلالهم عدة مرات لمستشفى السجن. وتتابع: لم أتمكن من الانفراد بها منذ احتجازها، دائما ما يحضر الزيارة أكثر من فرد أمن. أحيانا يجلسوننا متواجهتين كلا منا على أريكة منفصلة، وأحيانا أخرى يضعون هاتفا محمولا لتسجيل حديثنا.

تتمنى شيماء خروج إسراء قبل شهر رمضان، لتمارسا مع والدتهما ما اعتدن عليه من طقوس، ومثلها ينتظر الكثيرون بأمل الاستجابة للمناشدات التي أطلقها خلال الأيام الأخيرة صحفيون وكتاب ونواب وأحزاب سياسية، لإخلاء سبيل المحبوسين احتياطيا وكبار السن وأصحاب الأمراض المزمنة بشكل فوري، تجنباً لكارثة حقيقية ستودي بحياة الكثيرين، في حالة انتقال الفيروس للسجون.

<https://bit.ly/2XHnrUt>

عن ا. هيثم محمددين



بالتزامن مع انتشار فيروس كورونا المستجد "كوفيد-19"، ناشدت المفوضية المصرية للحقوق والحريات، السلطات المختصة من رئيس الجمهورية والنائب العام ووزارة الداخلية، في بيان سابق، باتخاذ إجراءات عاجلة وإطلاق سراح المحبوسين وفقا للقانون، منعا لانتشار الفيروس بين المحبوسين أو أفراد الشرطة، وحفاظا على حياتهم.

ومن بين المحبوسين الذين انقطعت أخبارهم، المحامي الحقوقي هيثم محمددين، حيث قررت وزارة الداخلية،

يوم 10 مارس، منع زيارات الأهالي لمنع الازدحام.

وتعود أحداث القبض على المحامي الحقوقي هيثم محمددين، يوم 13 مايو 2019، حيث تلقى مكالمة تليفونية من مركز شرطة الصف ادعت أن قسم الشرطة لم يتلق معلومات بتخفيف التدابير في قضية أخرى له، ويجب التوجه إلى قسم الشرطة فورا.

وبمجرد وصوله للمركز تم القبض عليه من قبل رجال شرطة بزي رسمي ورجال من الأمن الوطني بملابس مدنية دون إظهار أي أمر بالقبض عليه، واختطافه من قسم شرطة الصف معصوب العينين، ليظل مختفيا لمدة 3 أيام.

في 16 مايو الماضي، ظهر بنيابة أمن الدولة وتم التحقيق معه دون حضور محاميه، وفوجئ أعضاء الدفاع عنه بتحرير محضر شرطة رسمي ضده يفيد بتهربه من التدابير وهو مالم يحدث من الأساس.

أصبح محمددين متهما في قضية جديدة تحمل رقم 741 لسنة 2019 أمن دولة عليا، بتهمة مساعدة جماعة إرهابية على تحقيق أغراضها، ولازال يتم التجديد له.

خلال اعتقاله حصل على إخلاء سبيل أكثر من مرة، لكن النيابة كانت تستأنف على القرار لينتهي الأمر باستمرار حبسه.

<http://tiny.cc/t540mz>

عن ا. هدى عبد المنعم



ماما حبيبتي.. انا مش عارفة افضفض لك غير هنا.. الظروف
بشعة اوي يا ماما.. الحظر وحش اوي والحبسة وحشة اوي
اوي.. طول الوقت عمالة فاكرة لما انا في البيت وحواليا كل
وسائل التواصل مع الخلق وكل تواصل الترفيه وزهقانة
ومش طايقة نفسي امال انت يا حبيبتي عاملة ايه وانت كمان
مققول عليكي زنانة الله اعلم شكلها ايه.. انا عارفة انك زي
مبتطيقيش القاعدة وبتحبي اللف والنزول والشغل والحركة
ومبتحبيش قعدة البيت.. قبل الحظر انا كنت ببقى تقريبا
بقضي معظم الوقت في الشارع يا ماما من الشغلامة دي
للشغلانة دي للايفنت ده لف ودوران عشان اجي اتخدم ويبقى اليوم خلص وهكذا والأيام
كانت شبه بعضها اوي.. دلوقتي الوضع ابشع بكثير والايام شبه بعضها اكر من الأول
بكتير.. البيت مضلم يا ماما.. كل ركن فيه مضلم.. وحشني صوتك وصوت حركتك في
البيت صوت التكتكة بتاعتك في المطبخ صوتك وانت في الصالون برة ضحكك اللي كانت
بتبهج البيت كله حضنك اللي كان أمان مطلق مالوش نهاية. كل حاجة بقت من غير روح..
قعدة البيت خلتنى طول الوقت مش طيقاه وانت مش فيه يا ماما.. على فكرة انا بقيت
بطبخ وببدع في الطبخ اينعم مش زيك وبسأل ثلاث ارباع الناس على وصفات الأكل بس
اهو بحاول اكون قد المسؤولية.. بس انا مش زيك يا ماما.. مش عشان انا مش قد
المسؤولية بس البيت مبهو اوي عليا.. والمسؤولية مرعبة.. وجودك مكنش بيخلي حد فينا
حامل هم حاجة مانت موجودة ومنورة حياتنا.. اتاريكي كنت شايلة كثير اوي وكنت السند
لينا كلنا.. لما بقعد مكانك عالسفرة بتحاشى نظرات بابا اللي مفتقد وجودك في مكانك..
بابا مفتقدك اوي احنا دمرنا البيت تقريبا ومش عارفين نبقى زيك بالاضافة الى انهم لما
جم دمروا البيت مفيش حاجة رجعت زي الأول بابا مبقاش بياخذ رد فعل غير انه يدعي
بصوت عالي ربنا يرجعك بالسلامة يا هدى.. ما حنا مش زيك يا ماما.. كل حاجة في البيت
كانت بالمسطرة.. انت ازاي كنت بتركزي في ادق التفاصيل لكل حد فينا على حدى كدة
!!؟ يا ماما انا روحي شاخت.. وشكلي عجز من فراقك وبُعدك مقدرش اقول ان في حنة
اتطفت او ماتت لأني هبقى متفائلة اوي بالوصف ده لأن اللي انا حساه ابشع بكثير من ده
انت عارفة اني مبقتش بتكلم عنك ولا بجيب سيرتك الا نادرا بتحاشى اشوف صورك او
اسمع الريكوردات بتاعتك انت عارفة ان ناس كثير اوي بعدت عني عشان مبقتش برد على
حد.. طب انت عارفة ان مشاعري كلها بقت واحدة ومبقتش بدى رد فعل لأي حاجة انت
عارفة اني تحولت لمسخ يا ماما رافض كل حاجة ومش حاسس بأي حاجة الفرح زي
الوجع الألم زي الراحة الحلوزي الوحش الفراق زي اللقائه بقي بشع.. يا ماما انا بقيت

العن من عم ضياء.. الفكرة ان كله بقى لجوة.. يمكن دي اول مرة اكتب من كثير واخترت اني اكتبلك لأني نفسي اعرف عنك اي حاجة.. انا بقالي شهرين من اخر مرة رحتي فيها المحكمة معرفش عتك حاجة عاملة ايه في الخظر ده طب صحتك اللي على قدها عاملة ايه في الاوضاع دي يا ماما.. يا ماما تاني رمضان داخل علينا وانت مش موجودة.. انت عارفة يا ماما يعني ايه رمضان من غير ام..!! يعني لعنة والله يا ماما.. يعني وجع وألم لا يتخيله حد ولا اتمناه لحد ابدأ.. انت عارفة ان حليلة حفيدتك الخامسة متعرفكيش يا ماما انت هتحبها اوي يا ماما.. طالعة كربونة منك شخصية ماشاء الله حليلة بقت سنة وشهرين يا ماما.. جهاد جالها كورونا وخفت..وبقت تمام.. يا ماما يوم ١٨ ابريل الجاي العرض الأخير ليكي قبل رمضان ياترى في امل تقضيه معنا؟! ماما انا مبخضكيش انا مش يائسة ومش محبطة ومش محطمة يا حبيبة قلبي.. لا يا حبيبي انا عدبت المراحل دي كلها.. صدقيني D= انا فعلا لا حسة حاجة ولا حسة حد انا بكتبلك عشان أنا فاض بيا وعشان انا مش زيك وعشان انا كل حاجة بهوتت عليا اوي يا ماما.. انا مش حسة اني لوحدي اطلاقا.. انا بس مش حسة بحاجة حواليا كأني شفافة او كأن بيني وبين الناس لوح ازاز.. يا ماما انا مش عاوزه اطول عليكي.. انا بس كنت عاوزه افضفضلك بجزء من اللي جوايا.. بالمناسبة يا ماما الحيران بيشغلوا اغاني لمصر كل يوم بتذبحني وتوجع قلبي مش عشان مبحبش البلد دي بالعكس بحبها اكثر منهم.. بس عشان انت مخطوفة بسبب البلد دي واللي فيها واللي منها.. اوعي تفتكري اني مش صابرة او مش هكنل صبر لاني مقدميش غيره لا انا صابرة.. بس انا للأسف مش هعرف ارجع زي ما كنت تعرفيني.. انا مش هعرف ارجع اتعامل مع الخلق انا حسة العزلة هي أسلم طريقة نقدر نتحاشى بيها كل حاجة حوالينا وأذية كل الناس.. اطلي بقى يا ماما.. وتعالى نقفل على نفسنا ونستخبي من الناس الكلعي واحضنيني وطمنيني وخبيني عشان انا ماليش غيرك خلاص يا ماما..رسالة لماما..

سجن القناطر - الدواعي العسكرية

١٣ ابريل ٢٠٢٠

<http://tiny.cc/u940mz>

عن علاء عبد الفتاح

أنا أكيد مش عايزة أخويا يضرب عن الطعام، خاصة دلوقتي أولا لان ده مجهد للصحة جدا واحنا في لحظة كل حد فينا محتاج صحته ومناعته عشان لو اضطر جسمه يقاوم فيروس كورونا

ضيف على ده ان علاء من يوم 29 سبتمبر 2019 (يعني قرب يكمل 7 شهور) محروم تماما من الشمس والتريز وبالتالي محروم من الحركة وتنفس هوا في مساحة مفتوحة، فمش عايزة احاول اتخيل ده أثر على صحته ازاي.

بس احنا ما نعرفش أصلا قد ايه علاء مدرك انهم عرضة للعدوى، واذا كانوا فاهمين اللي احنا فاهمينه عن فيروس كورونا لحد دلوقتي وطرق الوقاية منه. واذا كانوا بياخدوا بالهم وهم بيتعاملوا مع الضباط والأمناء والمخبرين في السجن- اللي يبروحوا بيوتهم ويرجعوا عالسجن تاني - عشان فيه احتمال مش قليل ينقلوا العدوى، ولا نعرف اذا كان كل الأدوية وأدوات التنظيف والفيتامينات اللي ماما بتوصلها كل اسبوع بتوصله فعلا ولا لأ. الوضع العام اللي الكوكب فيه، واحنا فيه في البلد في اللحظة دي مرعب بشكل ما شوفنا هوش قبل كدة، ضيف عليه بقي عزلة وحبس وانقطاع أخبار وعمر وصحة بيهدروا في سجن حقير وانت كل ليلة مش عارف تظمن على ابنك وأهلك. الناس بتشتكي من العزلة في البيت والحظر واحنا بنهاية كل يوم العداد بيسجل حرماننا فيه من رؤية حبايبنا ومن الاطمئنان عليهم وطمأنتهم. خرجوا علاء خرجوا كل المحبوسين ظلم خرجوا كل حد ينفع يخرج من السجن فضوا السجن من البني ادمين اللي انتو مخزنيهم جوة وسايبيهم يهلكوا بالبطى ولحد ما ده يحصل وفروا حالا طرق تواصل ما بين المساجين وأهاليهم: مكالمات تليفونية ورسائل كفاية مساومة معانا على كل تفصيلة بسيطة وكل حق أساسي وبديهي كفاية تلاكيك بكل محنة بتمر بيها البلد - أو البشرية- عشان توسعوا مساحة الانتهاكات وتؤكدوا على سطوة عنفكم كفاية فش غل في اللي في السجن واللي مش راضيين عن اللي بيحصل وأي حد يخالفكم بكلمة، واللي شايلين هم مستقبلهم ومستقبل عيالهم. كفاية.. بس كفاية سيبونا نعيش!

<http://tiny.cc/cvg3mz>

عن غلق السجون

مافيش أوسخ من الثقب الأسود اللي بالعين حبايبنا فيه في السجن ده. كل جلسات التجديد ما بتحصلش، مش عارفين نفهم ايه بيدخلهم وايه لأ، مش عارفين نتأكد هم فاهمين حقيقة الوضع وانهم عرضة للعدوى، مش قادرين نظمن عليهم.. حاجة بشعة. فجأة كدة كل السجن باللي فيها اتسك عليها وعلى أخبار اللي فيها. في نفس الوقت الداخلية مكلمة انتهاكات عادي وأخبار الاعتقالات والتعذيب مستمرة.. حقيقي الواحد مش عارف فيه ايه اكر من وباء كان ممكن يحصل عشان يوقفهم لحظة بس ويخليهم يعيدوا النظر في طريقتهم!

<http://tiny.cc/wwg3mz>

عن مصطفى الأعصر



أنا منار الأعصر أخت مصطفى الأعصر وعملت له الأكونت ده بدل الأكونت القديم بتاعه اللي اتقفل من يوم القبض عليه، ضيفوا أعصر واعملوله فولو وشيروا الأكونت وابعتوه لكل أصحابه وحبائبه ومعارفه، وابعتوله رسايل دعم وكلام يفرحه ومفيش أي رسالة هتتفتح غير لما أعصر يخرج ويشوف كل الرسايل بنفسه، اكتبوله كل اللي نفسكوا تقولوه وأعتقد دي حاجة هتفرحه وحاجة بسيطة نقدمهاله أول ما يخرج.. اللي مايعرفش مصطفى الأعصر فهو صحفي محبوس

احتياطي من أكثر من سنتين، تحديداً من يوم ٤ فبراير ٢٠١٨ على ذمة قضية رقم ٤٤١ لسنة ٢٠١٨ حصر أمن دولة عليا ومتهم بنشر أخبار كاذبة، أعصر كسر الحد الأقصى لمدة الحبس الاحتياطي (سنتين) ومفيش أي مبرر قانوني لحبسه لحد دلوقتي.. مصطفى خسر كثير وعانى كثير في السجن، خسر من صحته وعمره وشغله ومستقبله وطموحه ومشاعره وإنسانيته.. يارب مصطفى يخرج قبل رمضان عشان مايقاش تالت رمضان له في السجن.. ادعوا لأعصر وافتكروه وانكلموا عنه وابعتوله رسايل حلوة يقرأها لما يخرج.. وافتكروا أول رسالة بعثها من السجن لما قال إن أصدقاءه هما المقعد الأخير.. ومصطفى مش عايز يخسر مقعده الأخير ما بينكم.. في وسط الأزمات والكورونا وتلاهي الدنيا، متنسوش أعصر..

#الحرية_لمصطفى_الأعصر

#الصحافة_ليست_جريمة

<http://tiny.cc/qhk5mz>

د. ليلى سويف: لا نعرف سبب إضراب علاء حتى الآن لكنه كان غاضبا من استمرار حبسه دون مثوله أمام القضاء

قالت الدكتورة ليلى سويف، والدة الناشط المعتقل علاء عبد الفتاح، إن سبب إضراب نجلها عن الطعام في محبسه، غير معلوم، خاصة مع عدم اطلاع الأسرة على محضر الإضراب الذي تم تحريره، وأنه لا أحد يستطيع التأكد من أن سبب الإضراب هو منع الزيارات.

بينما أشارت الدكتورة ليلى إلى أن الخطاب الوحيد الذي تم السماح لعلاء بكتابته والذي أشرنا إليه يوم 9 ابريل، كان الاعتراض الواضح فيه على استمرار حبسه ومضي أكثر من

45 يوما دون مثوله أمام غرفة المشورة، يصبح حبسه غير قانوني. وقال علاء في جزء من الخطاب: "موضوع مستفز جدا أبقى هنا نظريا في وضع آمن بالنسبة للمرض وانتي عرضة ليه وخالد محتاجني، الأدهى اني مش فاهم خالص ازاي بيتجدد حبسنا تلقائي بدون جلسات. ده حاجة مالهاش أي أساس قانوني."

وكانت منى سيف قد قالت أمس، إن "من ضمن اللي اتفقنا عليه هو انه لو في أي لحظة علاء كان محبوس واتمنع عنه الزيارة لمدة شهر فهو هيدخل إضراب عن الطعام بغض النظر قدر يعلمنا أو لا، واحنا هنتخذ كل الإجراءات والخطوات اللي نشوفها لازمة وملائمة دون الرجوع له". وعادة منى ظهر اليوم ونشرت أنه تم التأكد من دخول علاء في إضراب عن الطعام وتحرير محضرا بذلك ولكن دون الاطلاع على تفاصيله، بينما أشرت النيابة على متابعة حالة علاء الصحية وإفادة ملحق يومي للمحضر وتقرير طبي. ويواجه علاء عبد الفتاح فترة الحبس الاحتياطي في القضية رقم 1356 لسنة 2019 حصر أمن دولة عليا، والتي تضم عدد من المتهمين السياسيين بينهم المحامي الحقوقي محمد الباقر.

ويواجه علاء في القضية، اتهامات بمشاركة جماعة إرهابية مع العلم والترويج لأغراضها، إساءة استخدام وسيلة من وسائل التواصل الاجتماعي "فيسبوك"، ونشر وإذاعة أخبار وبيانات كاذبة.

يذكر أيضا أن وزارة الداخلية منذ يوم 9 مارس الماضي، قررت تعليق الزيارات كجزء من الإجراءات الاحترازية التي تقوم بها لمواجهة فيروس كورونا، دون الكشف عن آلية أخرى للتواصل بين السجناء وأسرههم.

<http://tiny.cc/bmk5mz>



د. ليلى سويف: لا نعرف سبب إضراب علاء حتى الآن لكنه كان غاضبا من استمرار حبسه دون مثوله أمام القضاء

عن علاء عبد الفتاح

علاء عبد الفتاح أضرب عن الطعام!! محبوس تحت التحقيق يعني مش مدان ولسة حتى مش متهم عشان ما صدرش ضده قرار اتهام وكان بيقتضي نص اليوم في القسم وفقا لحكم المراقبة، يعني مقر إقامته معروف وبيبات كل ليلة في قسم الدقي، ما كانش فيه اي مبرر أصلا لحبسه، كان ممكن يستدعي للتحقيق اي يوم ويروح بيته لغاية ما تثبت عليه تهمة، لكن يتحرم من أسرته ومن ابنه اللي يادوب كان بيقتضي معاهم نصف اليوم يعد سجن خمس سنين عشان ولا حاجة برضه، وبعدين تتمنع الزيارة عنه من أكثر من شهر في ظروف وباء، ويبقى مش عارف يظمن على اهله وخصوصا والدته وابنه، مالقاش قدومه اي وسيلة الا الإضراب عن الطعام، وتعريض حياته للخطر يمكن حد يحس!!
ياترى حد حيحس؟

#الحرية_لعلاء_عبدالفتاح

#فيه_وباء_خرجوا_السجناء


<http://tiny.cc/fnk5mz>

عن إيناس فوزي

طنط إيناس فوزي حسن حمودة عندها 41 سنة أم ل 4 من الأبناء أكبرهم في كلية وأصغرهم في إعدادي محبوسة في سجن دمنهور، مقبوض عليها من بيتها في يناير 2019 وإتعرضت عالنيابة بتهمة الانضمام وتهم تانية في نفس يوم اعتقالها وإتحتبست 15 يوم ومن وقتها وهو بيتجدد لها، إترحلت دمنهور في فبراير 2019...
طنط إيناس صحيا تعبانة جدا عندها مشكلة في فقرات ظهرها و في مشكلة في رجليها قبل القبض عليها الدكتور كان كاتب لها على علاج استعدادا إنها تعمل عملية كانت ممنوعة من الحركة ، بتنام على مرتبة طبية ، كل ده انتهى بدخولها جوه النوم على بطاطين مش مرتبة طبية ولا حتى اي مرتبة ، مساحة النوم شبر وقبضة يعني الحركة فيها صعبة وكانت بتتعب بسببها ، كمان بقت بتتحرك وتعمل كل حاجة بنفسها ، بتاخذ كمية علاج لا حصر لها بالإضافة المسكنات عشان تقدر تعيش وتتعايش جوه!
من حق طنط إيناس تخرج وتتعالج ، هي مرتكتبش جريمة من الاساس عشان تتحبس!
#الحرية_لإيناس_فوزي

<http://tiny.cc/23k5mz>


عن سولافه مجدي



لسا راجعه من عند سلافه حالا
طبعا ما فيش زيارات كنت رايحه اوديلها الحاجات الي
المفروض سامحين بيها للأسف انا الوحيد من كل الناس الي
رايحه تودي لعيالها رفضوا ياخدو مني الحاجه حتى رفضوا ني
احطلها فلوس في الأمانات بعد طبعا ما عمل مكالمة تلفون
الي بسلمه الحاجه قالي هي مش عايزه حاجه قولتله طب
الرساله الي من ابنها قالي لا طب ليه قولي سبب وطمني قالي
ما فيش حاجه طبعا انهرت وقعت وصرخت قولي ليه
للأسف ما فيش رد طب حد يقولي ايه الذنب الي اقترفته انا وبنتي علشان يحصل معانا
كده طب حد يطمني انو بنتي بخير والله العظيم بموت في اليوم ميت مره لغاية امنا
هفضل مش بشوفها وبطمن عليها لغايه امنا تقدر تظمن على ابنها ومحدث يقولي معلش

<http://tiny.cc/9sl5mz>

عن عبد الله بومدين



لسه معدى من قدام قسم الأزيكية يا عبدالله مش قادر انسى
كل مرة كنت بجيالك فيها زيارة مش قادر انسى كل نظرة منك
من ورا الباب ولا لبسك اللي كنت بشتره ليك قبل الزيارة ولا
كلامك عن حبسك الانفرادى..
سنة و ٣ شهور يا عبدالله مختفى منعرفش عنك حاجة بندعى
ربنا يحطوك في قضية تاني بس تظهر ونشوفك تاني..
ربنا كريم يا عبدالله وارحم بيك من البشر ومن والدتك نفسها
وقادر يهون عليك وأنت في مكانك ويفك كربك..

ربنا قادر يعوض والدتك عن كل دمعة حزن بدموع الفرح..
كلها ٣ شهور ويبقى سنتين على اول يوم شوفتك فيها في النيابة السنين اكيد غيرت
ملامحك وروحك لكن ربنا قادر يفرحك ويهون عليك..
هفضل عاجز أن أتكلم عنك يا عبدالله وهتفضل جوايا حكايات عنك مش هقدر احكيها
ولا اتكلم عنها لكن هيجي اليوم الي اطمن عليك فيه واحضنك واعيط من الفرحة أن
شوفتك تاني..

<http://tiny.cc/jqa8mz>

والدة سولافة مجدي تروي تفاصيل منع إدخال مستلزمات وأموال بالأمانات.. وشقيقتها: أول مرة منذ تعليق الزيارات.. وسنحاول مجددا

قالت والدة الصحفية المعتقلة سولافة مجدي، إنها تعاني كل يوم بسبب غياب ابنتها وزوجها وحرمانهما من طفليهما "خالد" منذ إلقاء القبض عليهما في نهاية شهر نوفمبر الماضي.

وأضافت والدة الصحفية المحبوسة، أنها توجهت اليوم إلى مقر احتجاز سولافة على الرغم من علمها بمنع الزيارات بسبب تفشي فيروس كورونا المستجد، ولكن السبب كان لتسليمها مستلزمات وترك مبلغا ماليا في أمانات السجن، ولكن قوبل ذلك بالرفض. وحكت السيدة ما جرى معها خلال الزيارة قائلة: "لسة راجعة من عند سولافة من شوية، رايحة اوديلها الحاجات الي المفروض موافقين بيها، للأسف انا الوحيدة من كل الناس الي رايحه تودي لعيالها رفضوا ياخدوا مني الحاجة حتى رفضوا اني احطلها فلوس في الأمانات."

وتابعت: "الرفض بعد عمل مكالمة تلفون الي بسلمه الحاجة قالي هي مش عايزة حاجة، قولتله طب الرسالة الي من ابنها، قالي لا، طب ليه قولي سبب وطمني قالي ما فيش حاجة طبعا انهرت وقعت وصرخت قولي ليه للأسف ما فيش رد طب." وتساءلت الأم: "حد يقولي ايه الذنب الي اقترفته انا وبنتي عشان يحصل معانا كده طب حد يطمني أن بنتي بخير والله العظيم بموت في اليوم ميت مره لغاية امتي هفضل مش بشوفها وبطمن عليها لغايه امنا تقدر تظمن على ابنها ومحدث يقولي معلش." فيما قالت شقيقتها لـ"درب"، إنهم تواصلوا مع المحامين لمعرفة أي ماذا يمكن فعله خلال الفترة الحالية للسماح للأسرة بتسليم المستلزمات أو ترك أموال في الأمانات. وأضافت شقيقة سولافة، أنهم مندهشون من القرار، خاصة وأنه منذ منع الزيارات ويتم السماح بإدخال أي مستلزمات أو أدوات شخصية وأيضا ترك أموال في الأمانات، ولكنها المرة الأولى التي تحدث ولا نعرف سبب ذلك.

<http://tiny.cc/bta8mz>

عن أمنية ثابت

أمنية اتدورت في قضية جديدة أنا شفتها في النيابة تعبانة
اوي. الحمد لله عزاءنا إن مفيش حاجة عند ربنا بتضيع مش
عايزة حاجة غير تدعولنا ربنا يشرح صدورنا ويجدد الإيمان
بقلوبنا ويلطف بنا ونكون في معيته اللهم نحن وكل مبتلى
حسبنا الله ونعم الوكيل

<http://tiny.cc/gza8mz>



عن أيمن عبد المعطي

النهاردة أيمن يكمل سنة ونص في الحبس الاحتياطي
عدى حوالي شهر ونص من اخر جلسة تجديد له واخر مرة
شفته فيها بعدها بيوم قبل ما يعلقوا الزيارات بسبب
كورونا ويعلقوا جلسات التجديد كمان.. لا مسموح بجواب
منه لنا ولا مننا له ولا بمكالمة تليفون.. محدش بيبلغنا
الوضع دا مستمر لحد امتي.. مش لاقية حاجة غير يارب..
يارب انت عالم بالحال
#الحرية_لأيمن_عبدالمعطي
#فيه_وباء_خرجوا_السجناء



<http://tiny.cc/68c8mz>

عن محمد السيد

سنوات مضت من ذكرى بغیضة
#اختفاء_أبي_قسرا
في بدايات القبض عليه يوم 2013/8/24 وهو راجع م
عيادته حبيبي كان هذا اليوم
هو الأسوأ ع الإطلاق بعد يوم مذبحه #رابعة.
حينها لم يمر شهران ع عودة أبي و أمي من أداء مناسك
العمرة ليحدث لنا كل هذا الضجيج
بقلوبنا وحتى يومنا هذا مازال الألم يعصر بنا ويديم أرواحنا
كل لحظة لا نعلم فيها كيف هو أبي الآن ؟



كيف هي هيئته؟ أكبرت لحيته أم أبيض شعره؟ أم احتاج لولده ليكون عكازه؟
ماذا يأكل هل يعطونه الطعام؟!

والأهم هل يعلم أننا في عام 2019 وانقضى من عمره وعمرنا #6_سنوات_اختفاء_قسرى هو يقبع في زنازين تدعى بمقبرة الأحياء ونحن نجول بالمراكز الشرطة والمحاكم والنائب العام وعمل التلغرافات ومجلس الدولة ومنظمات حقوق الإنسان لعلها تجدى، والأهم هي جولتنا الحقيقية جولتنا مع الله ف وقته سحره نبتهل نبكى حرقة نتضرع ندعوه بكل جوارحنا فوالله لو نطقت جوارحنا لأشعلت من حولها نارا مما نحمله بداخلنا من هذه الذكرى الأليمة. يارب اشتقت اشتقنا جميعا وما حيلتنا إلا الدعاء وبقيننا برب العباد ف يارب استودعتك أبى وجميع إخوانه يارب المختفين قسرا يارب اللهم عودة لهم حتى تعود لنا أرواحنا الغائبة

#د_محمد_السيد_فين

#لا_للاختفاء_القسرى

<http://tiny.cc/b1ybnz>

د. ليلي سويف

ماما من الساعة ١١ ص ملطوعة في مدخل سجن طرة - في مكتب جنب مكان التفتيش اخدوا منها الحاجات والجواب فتشوهم وخطوهم قدامها ومن ساعتها وهي منتظرة وماحدث بيقولها أي معلومة كل الاهالي دخلوا أمانتهم ومشىوا، الموظفين نضفوا وقفلوا، وهي لسة ملطوعة

<http://tiny.cc/x6wbnz>



ماما خلاص ماشية من السجن، بعد ٧ ساعات انتظار وماخدوش منها اي حاجة لعلاء، لا المنظفات، ولا محلول الجفاف ولا الجواب. كدة السجن بتعليمات امن الدولة قرروا يعزلوا علاء اكثر عننا وكل اللي نعرفه هو رقم محضر اضراب في نيابة المعادي لكن النيابة ما سمحتلناش نطلع عليه ولا على اقوال علاء تفاهة وشر وألويات ملخبطة وحاجة اخر قرف دعواتكم

<http://tiny.cc/bcxbnz>

أنا قعدت عند بوابة منطقة سجون طرة ب من الساعة 10 ونص الصبح لحد الساعة 6
الاربع مساء، فهلكانة وعايزة ادخل أنام ومش قادرة اكتب واحكي، علشان كده حاحط هنا
لينكات لمجموعة البوستس اللي كتبتها Mona Seif اثناء اليوم في الكومنتات. بس احب
اطمنكم اني كويسة واستمتعت جدا بالكتاب اللي قريته اثناء القعدة

Talking to My Daughter About the Economy, by Yanis Varoufakis,
وزي كتير من قراياتي دلوقت علاء اللي كان قالي عليه، آخر ساعتين بس الكتاب كان خلص
وكتبت شوية حاجات رياضيات وخواطر ثم وصلت لمرحلة اني باعمل مراكب وعصافير
بالورق بتاع الكراسية

<http://tiny.cc/9uxbnz>


عن ا. محمد الباقر

سارة أخت الباقر النهاردة الحمد لله دخلت طبلية
وفايتمين وجواب واستلمت جواب.. وإنه خبر لو تعلمون
عظيم.. مش متخيلين فرقت في نفسيتنا ازاي وريحت
قلبنا شوية.. ومحمد طمنا عليه وعلى صحته وبيسلم
على كل الناس.. مرفق الجواب عشان اطمنكم على محمد
وأفرحكم معنا.. زي ما زعلنا مع بعض.. قلت نفرح مع
بعض.. عقبال فتح الزيارة وعقبال إخلاء السبيل..

#الحرية_لباقر

FreeBaker#

<http://tiny.cc/d9wbnz>



عن ا. زياد العليمي

عرفت ان ادراج زياد على قوائم الإرهاب، يعني منعه من السفر!! (طيب ماهو مسجون
حيسافر ازاي؟). ووضعه على قوائم ترقب الوصول (اللهم طولك ياروح!!، واحد ممنوع
السفر يبقى حيوصل منين؟ يعني تترقبه من الوصول من فين؟) وتجميد أمواله (ماشاء الله
يا أمواله، حوشوا الأموال اللي مرططة والأمالك اللي تسد عين الشمس!!
أبلعوها حار ونار في جتتكم)

الأهم من ده كله، ودي الزبدة في الموضوع؛ ان المدرج على قوائم الإرهاب يحظر عليه دخول الانتخابات!! واخذ لي بالك؟
زيد بقى ارهابي يا مطبلاتية!! زيطوا يا يسارتجية!! باللي بتطرطشوا وطنية، جتكوا القرف!
<http://tiny.cc/2axbnz>

عن علاء عبد الفتاح

احنا عايزين نضمن على علاء Alaa Abd El Fattah !
من حقنا نضمن على علاء ونفهم تفاصيل اضرابه واياه اللي بيحصل واثبت ايه في المحضر
وصحته عاملة ازاي!!!!
أنا زهقت من الخناقة على الحقوق الأساسية الأولية بجد
زهقت منهم ومن كل مهووس ماسك منصب في البلد دي ومش فارق معاه اي حاجة غير
انه يحكم سطوته أكثر وأكثر
لو فاكرين اللي بتزرعوه فينا خوف, فجنبه أضعاف أضعاف غضب وكراهية وزهق..
زهقت منكم عالم مملة مقرفة مخابيل يلعنكم!

#FreeAlaa

#فيه_وباء_والباشا_مش_فارقة_معاه

<http://tiny.cc/f3ybnz>

عن علاء عبد الفتاح

ثاني يوم على التوالي ماما عند سجن طرة عشان تدخل احتياجات علاء وتستلم الجواب
اللي وعدوها به من الأسبوع اللي فات

<http://tiny.cc/k4ybnz>

بيان عائلة رامي نبيل شعث رداً على قرار إدراج اسم ابنها على "قوائم الإرهاب"

فوجئنا أول أمس بخبر تناقلته الصحف المصرية حول إدراج اسم ابننا، رامي نبيل شعث، الذي يحمل الجنسية المصرية والفلسطينية والمعتقل منذ يوليو/تموز ٢٠١٩، على قائمة الإرهاب، وما يترتب على ذلك منعه من السفر وسحب جواز سفره المصري، وتجميد أمواله وممتلكاته. وبعد الاطلاع على القرار المنشور بالجريدة الرسمية، تبين لنا أن ذلك جاء استناداً لقضية جديدة تحمل رقم ٥١٧ لسنة ٢٠٢٠ حصر أمن دولة.



وحتى هذه اللحظة، لا نعلم كعائلته، ولا فريق دفاعه، أي معلومات عن القضية الجديدة. فعلى الرغم من كون بيانات فريق الدفاع معروفة للنيابة والشرطة، لم يتم إعلام الفريق لحضور أي تحقيقات مع رامي شعث، سواء تلك المتعلقة بالقضية التي تم اعتقاله زوراً على إثرها (قضية الأمل) أو التي استجرت. علماً بأنه، ومنذ اللحظة الأولى لاعتقال رامي، يتم إصدار قرارات تمديد لحبسه على ذمة "قضية الأمل"، دون أن تنسب النيابة أي فعل محدد له، ودون مواجهته بأي بيانات أو أخبار زعمت قيامه بنشرها.

إن رامي محروم من التواصل مع أسرته ومحاميه، على الرغم من إتاحة لوائح السجون له مكالمتين شهرياً والتراسل مع أسرته بأربع خطاباتٍ شهرية على الأقل، فضلاً عن منع الزيارات بسبب انتشار وباء الكورونا. صحيح أننا لا نعلم أي شيء عن رامي في هذه الأثناء، ولكن ما نعلمه يقيناً أنه شابٌ مصري-فلسطيني بكل فخر، أفنى سنين حياته في الدفاع عن وطنه مصر وفلسطين، ومعارضة الاحتلال الإسرائيلي عبر انخراطه في حملة مقاطعة إسرائيل، وهي حملة سلمية للضغط على إسرائيل لتنفيذ القرارات الدولية ودفع الشركات المتورطة في الجرائم الإسرائيلية بحق الشعب الفلسطيني للامتثال لضميرها، سعياً نحو تحقيق الحرية والعدالة والمساواة. وعلى الرغم من اعتقاله الظالم، وترحيل زوجته من مصر في تموز/يوليو بدون سبب، ما انفك رامي يرسل رسائل حول القضية الفلسطينية ووجوب التضحية لأجلها، وهو على علم بأنه مسجون بدون أي سبب يذكر.

ونتساءل هنا، كيف يمكن له القيام بفعل "إرهابي" وهو مقيّد الحرية في طرة منذ تسعة شهور دون ذنب، وبدون إحالته لمحاكمة عادلة؟ أهكذا يكافأ من يقرر أن يعمل من أجل حقوق أمته العربية؟

وبناءً على كل هذا، تطالب عائلة شعث الحكومة المصرية بالإفراج عن رامي شعث، وإزالة اسمه عن قائمة الإرهاب التي أدرج اسمه فيها ظلماً وبهتاناً، وإطلاق سراحه لكي يعود إلى عائلته ويواصل عمله خدمةً لوطنه المصري والفلسطيني. كما تطالب الحكومة المصرية بالسماح لزوجته سيلين بالعودة إلى بيتها وزوجها في مصر في أقرب وقت ممكن.
من هو رامي شعث؟

-ولد رامي لأم مصرية وأب مصري. والدته رحمها الله هي صفاء حسين زيتون، والدها من بركة السبع ووالدتها من إدكو بمحافظة البحيرة، أما ووالده فهو نبيل شعث، الممثل الشخصي للرئيس الفلسطيني محمود عباس ووزير الخارجية الفلسطينية السابق. يحمل الدكتور نبيل الجنسية المصرية منذ العام ١٩٥٨ عندما تحققت الوحدة السورية المصرية، ثم كرس بمرسوم جمهوري من الرئيس جمال عبد الناصر عام ١٩٦٥، وعمل مع الرئيس جمال عبد الناصر وأستاذاً للإدارة في المعهد القومي للإدارة العليا التابع مباشرة للرئيس الراحل جمال عبد الناصر.

-عندما ولد رامي كان والديه مصريين، أمه وأبوه. لذلك فهو وأسرته يفخران بأنه مصري الجنسية ويحمل كافة الأوراق الثبوتية المصرية، وقد أكد ذلك حكم القضاء الإداري المصري. كما يفخر أيضاً بأنه فلسطيني الجنسية؛ وعربي ملتزم بقضايا وطنه وأمتة العربية، وولؤه هو وأبيه لمصر وفلسطين، ولم يكن في حياته إرهابياً ولن يكون.
-ألقت السلطات المصرية القبض على رامي في تموز/يوليو ٢٠١٩، وتم حبسه احتياطياً على ذمة القضية المعروفة إعلامياً بـ "خلية الأمل"، والتي تحمل رقم ٩٣٠ لسنة ٢٠١٩. حصر أمن دولة، واحتجازه بسجن طرة تحقيق حتى الآن، دون إحالته لمحاكمة عادلة، كما قامت بترحيل زوجته من مصر تزامناً مع اعتقاله.

-ومنذ اعتقاله، تواصلت العائلة والجهات القانونية المختلفة بكافة السلطات والجهات المعنية في مصر للإفراج عنه، وتم تقديم وعود عدة للإفراج عنه، ولكن دون جدوى. اهتمت لجنة الأمم المتحدة لحقوق الإنسان، وكافة اللجان الحقوقية الدولية المعنية بحقوق الإنسان، بواقعة القبض عليه -وطالبت جميعها وبدون استثناء- بالإفراج عنه أو محاكمته محاكمة عادلة.


#الحرية_لرامي_شعث

<http://tiny.cc/i7cgnz>

عن اختفاء مروة عرفه

مروة من مدة طويلة مالهاش دعوة بأي حاجة. حياتها كلها هي بنتنا وفاء. ومع ذلك وسط الظروف الصعبة اللي بنزق فيها عشان نعرف نعيش. برضه ما سابوناش في حالنا. أخذوا مروة من بنتها، وما نعرفش مكانها.

<http://tiny.cc/mwdgnz>



عن اختفاء مروة عرفه

انا بنتي لازم تخرج
واحدة عندها ٢٧ سنة و معاها رضيفة سنة و ٨ شهور
تتاخذ من بيتها وهي قاعدة مع اختها و صحبتهم الوحيدهم الساعة ١٠ ليه
بنتي لازم تخرج
كفاية افتري علي خلق الله
واحدة زي دي
تتاخذ ليه
لازم تخرج

<http://tiny.cc/m3dgnz>

د. ليلي سويف

صباح الخير
استعنا على الشقى بالله
حاروح تاني بوابة منطقة سجون طرة ب أشوف لو حيصدقوا المرة دي ويدوني جواب من
علاء
يوم الثلاثاء اللي فات خدوا مني جواب وأمانات وقالوا يوم السبت آجي آخذ جواب، رحت
يوم السبت وانتظرت من ١٠ ونص صباحا إلى ٥ ونص مساء وطول المدة دي بيقلوا
مستنبيين التوجيه والتوجيه ماجاش!!!
صبحت يوم الاحد رحت الأول على نيابة المعادي من ناحية علشان اشتكي منع الجوابات
ومن ناحية علشان أنا عارفة ان النيابة مفروض يروح لها تقرير يومي عن حالته بما انه

مضرب عن الطعام فكنت حابة لو أمكن أشوف التقارير دي وأطمئن على حالته، المهم رئيس النيابة قابلني مقابلة كويسة وقال انهم فعلا بتوصلهم تقارير يومية واطمان لكن ما شفتش حاجة بعيني ومشيت على وعد منه اني يوم الاربعاء ممكن اشوف المحضر والتقارير، وبالنسبة للشكوى نوجهها لنيابة أمن الدولة. بناء عليه احنا بعطنا شكوى (للمرة المعرفش كام) للنائب العام وللمستشار مدير ادارة حقوق الانسان في مكتب النائب العام وهم بقى يبقوا يشوفوا إذا كانت نيابة أمن الدولة هي النيابة المختصة ولا نيابة المعادي ويحولوها عليها

بعد ما خلصت النيابة رجعت بقى على السجن أشوف لو حيطلعوا لي جواب، بس المرة دي ما قعدتش لحد الساعة ٥ ونص، حوالي الساعة ٣ بلغوني انهم آسفين جدا بس ومعلش يوم الثلاثاء إن شاء الله يكون في جواب أما نشوف النهارده ايه اللي حيحصل

طبعا مش محتاجة أفكركم إن كل ده واحنا في وضع إن مش بس حبس علاء مالوش لازمة ولا طالع لكن كمان إن الحبس دلوقت بقى غير قانوني لان علاء ما بيرحش جلسات غرفة المشورة -اللي بتنعقد في معهد امناء الشرطة اللي بينه وبين السجن اللي فيه علاء حوالي ٢٠٠ متر- علشان بيتعذر نقله

وبرضه مش محتاجة أفكركم ان الدنيا كلها بتفرج عن أعداد ضخمة من السجناء علشان تقلل التكدر في السجن بسبب خوفا من الوباء، انما عندنا طبعا اللي أمر حبسه سقط ما بيخرجش واللي واخذ اخلاء سبيل ما بيخرجش، وكل يوم في ناس جديدة بيتقبض عليها، وبتختفي قسريا وفي ناس بتموت في الاقسام من التعذيب وفي السجن من الاهمال الطبي #فيه_وباء_خرجوا_السجناء

<http://tiny.cc/85dgnz>

عن ا. زياد العليمي

اللي أمر بوضع زياد على قوائم الإرهاب مش غبي!! وعارف كويس ان ما حدش حيصدق ان زياد ارهابي!! ولا حتى أغبي مطبلاتي!! هو قاصد يبعث رسالة محددة: "احنا بنعمل اللي على مزاجنا، ولا يهمنا رأي عام، ولا يهمنا تصدقوا واللا ما تصدقوش!! ومش قلقانين من ضغط الخارج اللي حيدناه بشوية صفقات!! ولما نحب ننكل بحد، مش محتاجين نبرر واللا نفسر، هو كده!! ولسة حنوريكم كمان، قدرتنا على التنكيل والغدر مالهاش سقف!! وأعلى ما في خيلكم اركبوه!!"

الرسالة وصلت خلاص!! وردنا عليها "قل لن يصيبنا الا ما كتب الله لنا" وفعلا أعلى مافي خيلنا أمل و يقين بالحق مالوش سقف! وربما نكون عاجزين دلوقت! عشان كده فوضنا للرد عنا الأعلى / الأقوى / الأعظم / الأكبر / والأعدل ؛ سبحانه!!
واثقين ان الرد لن يتأخر كثيرا!! هانت

<http://tiny.cc/t71inz>

عن أحمد ومحمد مصطفى

بكتبلكم وانا في اقصي حاله من اليأس اول مرة اوصلها مفيش حاجة في الدنيا قادرة تهون عليا بعدكم ولاقادرة تهدي قلبي في غيابكم كل ماتخيل ان احمد الصغير الدلوعة ممكن يكون متبهدل محروم من احبابه من العالم كله ميعرفش حاجة عنا بتوجع اوي كل ماتخيل ابتسامتك واتوحش حضنك ومنكفتك فيا بحس بقهر كل الاعذار خلصت كل الكلام بقي ماسخ اوى وملوش طعم مش قادرة اتخيل ان تاني رمضان داخل وانا محرومة منك ومن اخوك مش متخيلة رمضان من غيرك انت واخوك مين هيبي قبل الفطار ويعمل العصاير يا محمد ويقعد يظبط الاكل ويضحك ويناكف في الكل واوقات نتخانق وحشني خناقكم تعالوا بقي والله بقي كتير علي قلبي قلبي بيموت في غيابكم كل يوم مش قادرة اتخيل اني محرومة منكم انتم الاتنين

يارب انت وحدك القادر في لحظة تجمعني بيهم يارب قلله حيلتي بلغت عنان السماء ووحدهم القادر ان تقول لشيئ كن فيكون يارب اجمعني باخواتي يارب ضاقت اوى اللهم اني أشكو إليك ضعفي وقله حيلتي وهواني علي الناس

<http://tiny.cc/x3inz>

أسرة المترجمة مروة عرفة تلجأ للنائب العام للكشف عن مصيرها بعد القبض عليها

حررت أسرة المترجمة مروة عرفة، عصر اليوم الثلاثاء، تلغراف للنائب العام لاستجلاء مصيرها بعد مرور حوالي 16 ساعة منذ إلقاء القبض عليها دون الكشف عن محل تواجدها، وإنكار سلطات الأمن معرفتهم بما حدث لها.
وألقت قوة من الشرطة القبض على مروة في الحادية عشر والنصف من مساء أمس الاثنين من مدينة نصر، وكانت مربية طفلتها بين شهود الواقعة، وفقاً لما ذكره للمنصة زوجها الكاتب والباحث تامر موافي.

وقال المحامي إسلام سلامة، إنه ومحامين آخرين متابعين لقضيتها لا يعلمون عنها شيئاً، إذ "أنكر كل من قسم أول وثمان مدينة نصر معرفتهم بمكان تواجدها، وهو الرد نفسه الصادر من النيابة المختصة، مدينة نصر وأمن الدولة."

وأعلن تامر موافي، القبض على زوجته، في بوست كتبه في الرابعة فجر اليوم الثلاثاء، كان نصه "الأمن الوطني قبض على مروة عرفة زوجتي من ساعات في مدينة نصر." وكشف الكاتب للمنصة تفاصيل القبض على زوجته بالقول "هي كانت في شقة مدينة نصر مع أختها وبنتنا والمربية، وفي حوالي الساعة 11:30 بالليل بدون إظهار إذن نيابة أو أمر ضبط وإحضار، وعرفوا أنفسهم بأنهم أمن وطني، وأخذوا موبايل مروة ومبلغ مالي، وكانوا عازمين ياخذوا الآيباد وموبايل أخت مروة لكنها اعترضت وفهمتهم إن ده مش موبايلها وإن الآيباد خاص بالطفلة وألعابها."

حاولت السيدة التواصل مع زوجها، الذي لم يكن بالمنزل وقتها، خلال الدقائق التي شهدت اقتحام المسكن والقبض عليها، وأبلغته ببعض التفاصيل الخاصة بطفلتهما في ظل ما حدث "اللي فهمته من مروة إنهم كانوا 6 أشخاص، اتنين بملابس مدنية من أمن الدولة، وكان معاهم شخصين من قوات مكافحة الإرهاب لابسين أقنعة وشايلين سلاح، ولما وفاء شافتهم اتفرغت وعيقت؛ مروة طلبت منهم يخرجوا، وكان معاهم شخصين تانيين ضابط وأمين شرطة هم اللي دخلوا وفتشوا البيت."

وتركت القوات الأمنية طفلة مروة ومربيته، فيما لم يتمكن والدها من التوجه لمحل تواجد زوجته بسبب حظر التجول الذي تفرضه الحكومة في ساعات الليل ضمن الإجراءات الاحترازية لمواجهة انتشار فيروس كورونا.

وفقاً لموافي، فإن تفتيش القوة للمنزل انتهى إلى القبض عليها بعد تحريزها عدة أشياء "أخذوا الفلوس والموبايل وأغراض تانية، وأخذوا مروة معاهم وحاولت والدتها تتبع مسارههم لكن في الآخر فقدت أثرهم، ولما سألت خارج مقر الأمن الوطني في مدينة نصر عرفت بشكل شبه رسمي إنها موجودة بالداخل."

وحتى هذه اللحظة ما يزال مصير عرفة مجهولاً بالنسبة لأسرتها، وفقاً لما ذكره موافي عبر حسابه على فيسبوك "لحد دلوقت ما وصلناش أي معلومات عن مكان مروة أو سبب القبض عليها. أنا في انتظار إن حد من المحامين يبلغني إذا ظهرت في النيابة"

لكن المحامين لم يتوصلوا إلى شيء، وفقاً للمحامي إسلام سلامة، الذي وصف ما حدث للمنصة باعتباره انتهاكاً، قائلاً "اللي مروة بتعرض له ده حالة قبض. والمفترض إن بعد 24 ساعة هيكون إخفاء قسري. وعموماً إنكار وجودها ده في حد ذاته انتهاك لحقوقها، لأن من المفترض إن أي شخص يتقبض عليه يحق له التواصل مع محاميه والعرض على النيابة، أما مروة فغير معترف إن مقبوض عليها رغم وجود شهود على الواقع، كما لم يتم تحرير محاضر ليها أو عرضها على النيابة، وبالتالي سلامتها الشخصية هي مسؤولية جهاز الأمن."

وفي بوست على فيسبوك كتب موافي عن زوجته "مروة من مدة طويلة مالهاش دعوة بأي حاجة. حياتها كلها هي بنتنا وفاء. ومع ذلك وسط الظروف الصعبة اللي بنزق فيها عشان نعرف نعيش. برضه ما سابوناش في حالنا. أخذوا مروة من بنتها، وما نعرفش مكانها."

<https://bit.ly/3bwACeZ>

عن علاء عبد الفتاح

جبنا آخرنا: الحرية لعلاء!

الأصل ألا يسييس إبتلاء مثل الكورونا، وألا تكون المحن العالمية مجال للسجال السياسي وتسجيل النقاط. في المقابل لا يُقبل أن تستغل المحن والإبتلاءات لزيادة القمع. الحلول الأمنية لا تجدي في مواجهة الأوبئة. رغم إعلان هيئة الصحة العالمية اعتبار فيروس كورونا المستجد COVID19 جائحة عالمية، وسعي كل الدول -بما فيها مصر- لمواجهته وتحجيم انتشاره، واعتماد دول عديدة منها سياسة التوسع في الإفراج عن السجناء لتخفيف التكدس بالسجون حتى لا تتحول إلى بؤر لانتشار الوباء، تتجاهل الشرطة والنيابة والقضاء خطورة الأوضاع في سجون مصر من تكديس وظروف حبس لا



إنسانية وأحوال صحية متدنية، ويزداد إصرار الداخلية على ممارسة انتهاكات مختلفة تجاه المحتجزين، وتتمسك أجهزة "العدالة" باستمرار حبس عشرات الآلاف من المظلومين.. في ظل كل ذلك بدأ علاء إضراب عن الطعام في عزلته عنا في السجن. بتاريخ ١٣ أبريل ٢٠٢٠ ورد إلى نيابة المعادي -التابع لها منطقة سجون طرة- محضر رقم ٢٦١٠ لسنة ٢٠٢٠ إداري المعادي من سجن شديد الحراسة ٢ بطرة يفيد ببدء علاء أحمد سيف الإسلام عبد الفتاح إضرابا عن الطعام. أمرت النيابة بمتابعة حالته الصحية وإحاق تقرير يومي بها للمحضر. تمكنا اليوم من الاطلاع على كشف طبي الحق بالمحضر بتاريخ ١٨ أبريل ٢٠٢٠ يفيد بأن نسبة السكر في الدم ٥٤، النبض ٧٦ والضغط ١٠٠ / ٧٠ ورفضه تعليق محلول جلوكوز.

يأتي إضراب علاء بعد:

-إعادة حبسه على ذمة قضية ملفقة جديدة (٢٠١٩/١٣٥٦ حصر أمن دولة عليا) أثناء خضوعه لحكم بالمراقبة ٥ سنين وبعد أن قضى ٥ سنوات كاملة في السجن.

-اتهامه بالانتماء لجماعة إرهابية وتمويلها ونشر أخبار كاذبة وإساءة استخدام وسائل التواصل الاجتماعي، وتجديد حبسه على مدار ستة أشهر أمام نيابة أمن الدولة دون أن تواجهه النيابة بأي تفاصيل تفسر الاتهامات التي يواجهها أو أسباب حبسه، حتى اسم الجماعة الإرهابية لم تفسح عنه النيابة.

-تجاهل النيابة والنائب العام للبلاغات التي تقدمت بها الأسرة والشكاوى التي أثبتتها علاء مراراً في محاضر التجديدات بالنيابة الخاصة بكل الانتهاكات التي تعرض لها منذ بداية وأثناء حبسه، بدءاً من التعذيب ليلة وصوله السجن وصولاً لحرمانه من أبسط الحقوق المنصوص عليها في لائحة السجن منذ بداية حبسه حتى الان: التريض، القراءة،... والأهم، يأتي إضراب علاء لعدم مشروعية استمرار حبسه بعد مرور أكثر من 45 يوماً على آخر جلسة تجديد حبس نظرت أمام غرفة مشورة الجنايات. فمذ قبول استئناف النيابة وتجديد حبسه بتاريخ ٢٠ فبراير ٢٠٢٠ لم يحضر علاء أي جلسات تجديد حبس من بعدها رغم انقضاء المدة، مما يجعل استمرار حبسه ومن معه غير قانوني.

الظروف الاستثنائية لا تسقط حقوق المحبوسين احتياطياً ولا يجوز أن تجردهم من ضمانات الدفاع.

الحرية لعلاء.. الآن!

أسرة علاء عبد الفتاح

الأربعاء ٢٢ أبريل ٢٠٢٠

<http://tiny.cc/33omnz>

عن سولافه مجدي

الشكوى لغير الله مذله

للمرة الثانية نروح علشان ندخل زياره لسلافه ويرفضو دون ابداء اي اسباب ليه مش عارفين طيب ممكن تظمنوني عليها طبعا كالعاده ما فيش جواب طيب لو افترضنا اني سلمت ما يدخلو زياره ليها بس مش هسلم اني ما اطمنش على بنتي وعلى حالتها النفسية والجسديه ومش طالبه كثير ده حقي وحقها على اني ما اسكتش على الي بيحصل معانا انا موجوده حد السما ومرعوبه عليها انا راضيه بكل الي كاتبه ربنا لينا بس مش هرضي انو الي بيحصل ده من بشر هو ده رد الجميل انو بنتي حبت بلدها وناس بلدها حد يرد على ويقول بنتك ما تستاهلش الي بيحصل معاها. ممكن حد يظمني عليها علشان يديني القوة افضل مستنياها. انا مش بستعطف حد انا طالبه من ربنا يقويها على الي هي فيه

<http://tiny.cc/dapmnz>

عن محمد عماشة

والد الطالب المصري الأمريكي لرويترز: محمد دخل
الاضراب الشهر الماضي وتم نقله لمستشفى السجن ونخشي
على صحته

نقلت وكالة رويترز عن والدي الطالب محمد عماشة
المحبوس في سجن طرة إنه بدأ إضرابا عن الطعام، الشهر
الماضي للفت الانتباه إلى قضيته، بسبب خشيته من انتشار
فيروس كورونا بعد مرور ما يقرب من عام على القبض عليه.
وقال والدا عماشه، إنه يعاني من الربو وأحد أمراض المناعة
الذاتية.



وتم القبض على طالب الطب المصري الأمريكي محمد عماشة في أبريل 2019، عقب
وقوفه في ميدان التحرير حاملا لافتة كتب عليها "الحرية للسجناء". ووجهت له النيابة
تهمة إساءة استخدام وسائل التواصل الاجتماعي ومساعدة جماعة إرهابية، في تحقيق
أهدافها ويخشي المصري الأمريكي

من انتشار الفيروس التاجي في سجون مصر المزدحمة على حد وصف الوكالة.
وقال عبد المجيد والد عماشة لرويترز ان نجله استمر في الاضراب عن الطعام حتى تم
نقله إلى مستشفى السجن، مشيرا إلى انه يخشى على ابنه من مصير مصطفى قاسم
المصري الامريكي الذي توفي في السجن في مصر خلال يناير الماضي.
وتساءلت نجلاء عبد الفتاح والدة عماشة " هل يتركونه حتى يموت؟ أنا لا أعرف شيئاً
عنه ، ولا أستطيع حتى التحدث معه لأطلب منه التوقف". وتقول رويترز إنه لم يتسن
الاتصال بالمتحدث باسم وزارة الداخلية للتعليق على قضية عماشة.
ورفضت السفارة الأمريكية في القاهرة التعليق مباشرة على القضية، لكنها قالت إنها طلبت
الإذن للتحدث مع عدد غير محدد من المواطنين الأمريكيين المسجونين عبر الهاتف حتى
استئناف الزيارات.

ومنذ ظهور أول إصابة بكورونا في مصر يوم 14 فبراير، دعا سياسيون وحقوقيون وأهالي
عدد من السجناء لإطلاق سراح السجناء، بمن فيهم معتقلي الرأي والسجناء السياسيين
والجنائيين الأكثر عرضة للإصابة بالفيروس، وأشاروا إلى أن دولاً مثل إيران وألمانيا وكندا
أفرجت عن سجناء في محاولة لاحتواء وباء الفيروس التاجي.

من جانبها قررت وزارة الداخلية منذ يوم 9 مارس الماضي، تعليق الزيارات كجزء من الإجراءات الاحترازية التي تقوم بها لمواجهة فيروس كورونا، دون الكشف عن آلية أخرى للتواصل بين السجناء وأسرههم.

وفي 10 أبريل، أرسلت مجموعة من أعضاء مجلس الشيوخ الأمريكيين من الحزبين الجمهوري والديمقراطي رسالة إلى وزير الخارجية مايك بومبيو يطالبونه فيها بالدعوة للإفراج عن السجناء الأمريكيين والمصريين، وأشاروا في رسالتهم إلى خطر الإصابة بالفيروس التاجي الجديد. وذكرت الرسالة عماشه و 14 سجيناً آخرًا بينهم اثنان آخران في مصر وآخرون في دول من بينها السعودية وإيران وسوريا. ورفضت وزارة الخارجية الأمريكية التعليق على الرسالة على وجه التحديد. وقال ديفيد شينكر ، مساعد وزير شؤون الشرق الأدنى ، في فبراير، إن الأمريكيين المعتقلين جاءوا "ببعض التردد" في حوار مع مصر. "حالة الذعر"

من ناحية أخرى أعلنت أسرة، علاء عبد الفتاح، يوم 15 إبريل الجاري، إنه دخل في إضراب عن الطعام مع الاستمرار في تناول السوائل والمشروبات.

وأضافت منى سيف شقيقة، علاء، أنه تم تحرير محضرا بالإضراب وحمل أرقام 2610 لسنة 2020 إداري المعادي، وتم عرض المحضر على النيابة بتاريخ 13 إبريل الجاري. وقالت منى إن النيابة "أشرت بمتابعة حالة علاء الصحية وإفادة ملحق يومي للمحضر وتقرير طبي، ولكن لم تسمح للمحامين بالحصول على صورة من المحضر الذي يحتوي على أقوال علاء، أو حتى الاطلاع عليه."

يذكر أن علاء عبد الفتاح محبوس احتياطيا على ذمة القضية رقم 1356 لسنة 2019 حصر أمن دولة عليا، والتي تضم عدد من المتهمين السياسيين بينهم المحامي الحقوقي محمد الباقر. ووجهت نيابة أمن الدولة للمتهمي في القضية، اتهامات بمشاركة جماعة إرهابية مع العلم والترويج لأغراضها، إساءة استخدام وسيلة من وسائل التواصل الاجتماعي "فيسبوك"، ونشر وإذاعة أخبار وبيانات كاذبة.

<http://tiny.cc/wfpmnz>

عن ا. محسن بهنسي

طيب قبضت على ناس بتشتغل عمل حقوقي وقانوني بسيط ومعلن واحنا في عز كارثة وجائحة بشكل غير مفهوم ولا مبرر، وبعدين بقيت مش عارف تحقق معاهم علشان الكورونا والوباء ومانع عنهم الزيارة، فمثلا خالي محسن البهنسي محدش شافه ولا اتحقق معاه من ساعة القبض عليه وحبسه خمسة عشر يوم في سبعة وعشرين مارس اللي فات،

ولا جلسة تحقيق واحدة! وانهاردة تعذر جديد. طب نصبر نفسنا واهلنا ويبقى عندنا امل ونقول ان وارد حد يدرك او يستوعب ان ده جنان مالوش معنى في اللحظة دي وحياتنا جميعا السجين والسجان على كف عفريت.. نصحي نلاقيكم حاطين الاخ والصديق والبرلماني السابق اليساري زياد العليمي ورامي شعث على قوائم الارهاب! و تيجي من يومين تقبض على مروة عرفة المترجمة من بيتها وتاخذها من بنتها في القاهرة، وامبارح بليل تقبض على الصديقة خلود عامر رئيس قسم الترجمة بقطاع المكتبات في مكتبة اسكندرية ! طب انتو عايزين ايه يا جماعة وخذنا ورايحين فين.. مقررين تموتونا وتموتو معنا ولا ايه معنى اللي بيحصل ده

<http://tiny.cc/qjpmnz>

عن خلود سعيد

حزين جدا على اعتقال صديقتي الجميلة خلود سعيد عامر. صديقة حقيقية مهما الدنيا شغلتنا وخذتنا من بعض. وقفاتها معايا كتير قوي من صداقتنا اللي بدأت في ٢٠٠٨ لما اشتغلت معايا في إدارة النشر بمكتبة الإسكندرية. ماكانتش بتفوت لي ندوة ولا حفل توقيع لكتاب أو قراءة شعرية. لدرجة إن يوم فرحي ما جاتش، بعدها لما سألتها قالت لي تصدق إني لبست واتشيك وأنا على باب الشقة فتحت رسالتك اللي فيها عنوان القاعة، فاكتشفت إن الفرحة معاده الاربعاء التالي أو السابق، مش فاكر دلوقتي وقعدت أضحك عليها. من اكثر الأصدقاء اللي عرفتهم بيدعموا الناس في صمت وبلا أي مقابل، نتلهي عن بعض شهور طويلة، وفجأة الاقيها عاملة لي منشئ في فرصة عمل مناسبة ليا عالفيس مثلاً، غير الترجمات التطوعية لنصوص كتير، ووقفات مش ممكن انساها لما إسماعيل سراج الدين أنهى عملي في المكتبة ولما اتسجنت بعدها... ذكريات كتير يا خوخي واحلام وانكسارات وانتصارات صعب احكيها دلوقتي. ماكانتش باهتم أقولك ده لانك عارفاه ومش مستنية من حد يقوله. أنا زعلان قوي يا خوخي لإنك تستاهلي اكثر من كده بكتير، ولأن الواحد بيتاخذ في مفرمة أكل العيش، وفجأة يحس إن قيمة كبيرة بجد، اتخطفت منه بلا أي معنى ولا سبب. أملي كبير إن ربنا يفرجها عليك وترجي لحضن حبايبك بسرعة.

<http://tiny.cc/1rpmnz>

والدة المترجمة خلود سعيد: قوة أمنية قبضت عليها بعد تفتيش الكتب والاستيلاء على الهاتف واللابتوب

بعثت أسرة المترجمة خلود سعيد، رئيس قسم الترجمة بإدارة النشر بمكتبة الإسكندرية، بتلغرافات إلى كل من وزير الداخلية والنائب العام والمحامي العام لنيابات الإسكندرية، لاستجلاء مصيرها الذي ما يزال غامضًا عقب القبض عليها في ساعة متأخرة من مساء أمس الثلاثاء

وقالت والدة خلود كاريمان بسيم إن القبض على ابنتها كان بعد الساعة العاشرة من مساء أمس، وهذه هي المرة الأولى التي تتعرض فيها ابنتها للاعتقال، لاسيما وأنها ليست ذات أي نشاط سياسي أو حزبي، ولا تهتم بأمور بعيدة عن مجال عملها في المكتبة والترجمة. وحكت بسيم للمنصة تفاصيل القبض على ابنتها بالقول "فوجئنا بالليل بجرس الباب ييرن بصورة غير منقطعة، ولما فتحت لقيت أكثر من 5 أشخاص، كلهم بملابس مدنية فيما عدا شخص واحد لابس بدلة شرطة ب3 نجوم، وشخص تاني مقنّع ومسلح وملابسه شبه زي الصاعقة، سألوا عن صاحب الشقة قولت لهم اسم زوجي وإنه متوفي، ورفضوا يقولوا هما مين أو سبب زيارتهم لينا."

وتابعت الأم "عرفت قبلها إنهم خبطوا على الشقة اللي جنبي وسألوا عننا، ولما حد من الجيران حاول يستفسر، زعقوا معاه وقالوا له ادخل شقتك واقفل الباب."

وعن لحظة القبض تقول السيدة كاريمان بسيم "لما فتحت سألوني عن الموجودين في الشقة معايا، كان ابني محمد نايم، ولما خلود خرجت تفهم فيه إيه، سألوها انتي خلود؟ ولما جاوبتهم، قالوا لها البسي وتعال معانا، ودخلوا شافوا الكتب الخاصة بيها، وأخذوا بطاقتها واللابتوب والموبايل، وقالوا لي هنا خذها قسم المنتزه ولما تيجي تشوفها أسألي على شخص اسمه محمود مرجان."

امتثلت الأم لتعليمات القوة الأمنية، لكن عندما ذهبت صباح اليوم لقسم الشرطة فوجئت بعد معرفتهم بهذا الاسم "قالوا لي منعرفش حد اسمه محمود مرجان، ولما سألت على خلود مرة وأنا خارج القسم ومرة جوه أنكروا وجودها أو معرفتهم بيها، وقالوا لي أسألي في مديرية الأمن أو في الأمن الوطني."

قبيل محاولات الأم الصباحية لاستجلاء مصير ابنتها، كانت هناك واقعة مسائية عقب ساعات من القبض على ابنتها، تحكي عنها وتقول "بالليل فيه رقم مجهول unknown اتصل بابني محمد، لما رديت وسمع صوتي قفل. اتصل تاني ولما محمد ردّ طلب منه يجيب له شاحن موبايل ولابتوب خلود ويوصل لهم جنب المحكمة الجديدة اللي على الطريق السريع."

أمام عدم وضوح مصير خلود، قالت الأم إنها بعثت بتلغرافات ثلاثة تحمل أرقام 260710133 260710134 للنائب العام، و260710135 للمحامي العام لنيابات الإسكندرية، للمطالبة باستجلاء مصيرها، مختتمة بالقول "أنا دلوقتي في انتظار أي معلومة عنها، خاصة وإن عمرها ما اتعرضت للموقف ده وفعلا كل حياتها شغلها وعيلتها وبس."

ولا يمكن للأسرة في اللحظة الراهنة اللجوء لإجراءات أبعد من إرسال التلغرافات، وفقاً لما ذكره المحامي محمد عواد، المتابع لقضية خلود. وأوضح عواد للمنصة أن خلود حتى هذه اللحظة في حكم المقبوض عليها، ولهذا لا يوجد أي إجراءات قانونية تتخذ أبعد من إرسال التلغرافات، ولكن بعد مرور 24 ساعة إن لم يتضح مصيرها أو تظهر أمام نيابة أو في مقر أمني فستكون في حكم المختفية قسرياً. واستدرك المحامي "وعلى الرغم من ذلك، كان لابد وأن نخبرنا السلطات بصورة رسمية بمكان خلود وأسباب القبض عليها، حتى نتخذ إجراءاتنا حيال القضية، والتي سيكون أولها حضور التحقيقات معها، أما بقية الإجراءات فسترتب على ما سيوجه لها من اتهامات."

<https://bit.ly/2zqrgDI>

عن خلود سعيد

حتى الآن لا معلومة رسمية أو غير رسمية عن الصديقة العزيزة خلود سعيد عامر بعد أكثر من أربعين ساعة من اعتقالها من منزلها مساء أول أمس الثلاثاء 21 ابريل.. لا تم إطلاق سراحها ولا تم عرضها على أي نيابة لغاية دلوقت، تم إخبار أسرتها بإنها حتكون في قسم منتزه أول، لكن قسم المنتزه أول بينكر وجودها هو وكافة الأماكن الشرطة اللي تم الاستعلام عنها فيها.. تم إرسال تلغراف للنائب العام بواقعة اعتقالها والاستيلاء على هاتفها الشخصي وجهاز اللاب توب الخاص بها.

<http://tiny.cc/9nlpnz>

عن معتز ودنان

انا النهارده روحت اودي علاج واكل لمعتز لاقيت الي بيدخل
حاجه بالحجز والسجن بياخد10اسماء بس في اليوم قلت
مش مشكله الاكل وقفت طابور طويل مع الزحمه والزق
عشان احط العلاج في الامانات وفي الاخر وصلت لبتاع
الامانات وقلي العلاج مع الاكل روجي بره سجلي اسمك وقال
الامانات فلوس بس وخرجت سجلت اسمي علي
يوم4/5طاب احنا عرفنا ان معتز جاتله قرحه في المعده
معقوله هيستنا العلاج ليوم4/5
— withمعتز ودنان شمس الدين.

<http://tiny.cc/vqlpnz>



عن مروة عرفه

لثالث يوم بنستنى إن مروة تظهر في النيابة دون جدوى.
كل يوم قلقي بيزيد. مروة عندها مشاكل صحية كتير وبتحتاج تاخذ أدويتها ومنها حقن
بانظام. معنديش أي فكرة هي وضعها إيه وبيعاملوها إزاي. ببذل مجهود كبير عشان أمنع
نفسي من التفكير في الأسوأ.
وفاء متعودة طول ما هي صاحية تكون في حضن مروة أو قدام عينيها. وكثير ما كانتش
تعرف تروح في النوم إلا في حضنها. بنحاول نلهيها عن غيابها على قد ما نقدر.
أصغر تفاصيل الحياة اليومية ثقيلة على القلب. والانتظار بدون ما يبقى فيه وقت معروف
صعب بجد. بكرة وبعده أجازة ومفيش حاجة تتعمل بما في ذلك انتظار ظهورها في النيابة
قبل يوم الحد.

#مروة_عرفة_فين

<http://tiny.cc/2wlpnz>

عن إسلام خليل

في الوقت اللي العالم بيعاني من وباء بيهدد البشرية وحكومات العالم كلها ومنها الحكومة المصرية بتأخذ إجراءات استثنائية لمواجهة انتشاره، فيه ظابط قرر يحتجز إسلام اخويا عشان كان عليه غرامة من ٢٠١٦ (يعني المفروض سقطت) وف قضية كنت نسيناها تماما، تطلع كام بقا؟ ١٠٠ جنيه، في قضية سقطت...

وحاليا قسم الساحل بشبرا بيقول انه مش هيثم الإفراج عنه ولازم ندفع ال ١٠٠ جنيه في اسكندرية مكان القضية ونجيب شهادة من هناك ونرجع نسلمها في القسم!!!
يعني هنا خطر ان يكون فيه شخص زيادة في أماكن الإحتجاز وهيختلط بعدد كبير من الناس سواء محتجزين تانيين أو أفراد شرطة لعدد ساعات لسه مش عارفينه، وهيصرف فلوس كمان لو هيتنقل، ده كله عشان ١٠٠ جنيه!!! بأي منطق واي عقل واي حاجة في الدنيا تقول كده؟؟ ليه التعنت ده في الظروف دي؟ مع انسان لسه بيحاول يزق حياته ويمشيها بعد اللي حصل؟ هل فيه حد بيحكم العقل يحل الموضوع البسيط ده

<http://tiny.cc/tylpnz>

عن علاء عبد الفتاح

توضيح هام: علاء مضرب إضراب كامل عن الطعام.
ده معناه انه ما بياخدش أي مصادر للسكر، لا عصاير ولا عسل. فقط مياه ومشروبات سخنة سادة- لو أتا حوها.
أحنا متأكدين من ده، أولاً لأن ده نوع الاضراب اللي علاء والعائلة دايماً بتلجأ له، ثانياً لأن التقرير الرسمي الملحق بمحضر الاضراب في النيابة بيقول ان قياس سكر الدم لعلاء بتاريخ 18 أبريل كان 54 وانه رفض تعليق محلول جلوكوز. لو علاء مضرب اضراب جزئي ماكانتش هتبقى دي قرابة السكر بتاعته بعد أسبوع من الاضراب!!
أنا ما عنديش فكرة اذا كانت النيابة قصدت تضليل المحامي لما سأل أول مرة، ولا هم نفسهم اختلط عليهم الأمر

عاماً أتمنى يبقى الموضوع وضح لهم ولنا ولكم ولادارة السجن
الحاجة المهمة جدا بقى هي ان علاء ضروري ياخذ محلول جفاف والا هيتدهور بسرعة جدا، واحنا على مدار الاسبوع اللي فات حاولنا كل يوم ندخل محلول جفاف واتفرض!!
أنا مش فاهمة خالص المسؤولين عن النوع ده من القرارات بيحاولوا يوصلوا لايه، بس
عاماً احنا مش هنبطل نحاول.

بأحمل كل ظابط في سجن شديد الحراسة 2- على رأسهم ظابط الأمن الوطني أحمد فكري المسؤول عن تكدير المعتقلين هناك- مسؤولية صحة وسلامة علاء وكل المعتقلين معه،

رغم ان طبعا المسؤولية الرسمية تقع على مأمور السجن -اللي امتعض ورفض يقولنا اسمه- وعلى رئيس مباحث السجن وعلى النيابة والقضاء المسؤولين عن استمرار حبسه رغم سقوط أمر الحبس.

حابة كمان أنوه، ان قياسات سكر علاء مقلقة جدا لو قارنتوها بقياسات سكره وسكر أي حد مننا في الايام الاولى من اضرابنا السابق، بعد مرور أسبوع كون الأرقام لسة بتراوح عند الخمسينات وما زادتش معناها ان الجسم لسة ماعملش ال adjustment المتوقع.

النهاردة، 24 أبريل 2020 اليوم ال 12 لاضراب علاء الكلي عن الطعام أفكركم بأن فيه معتقل كمان اتنشر عنه امبارح (هارفق الخبر من رويترز في اخر البوست) مضرب عن الطعام اسمه محمد عماشة، وغالبا فيه معتقلين تانيين ما نعرفش عنهم #جبنا_آخرنا

#إضراب_المعتقلين

#فيه_وباء_خرجوا_السجناء

رابط بيان الأسرة الخاص بالاضراب

<https://www.facebook.com/freealaa2013/posts/3207243905993898>

رابط خبر إضراب محمد عماشة عن الطعام نقلا عن أهله

<https://af.reuters.com/article/egyptNews/idAFL8N2C401S>

<http://tiny.cc/d5lpnz>

عن مصطفى الأعصر

تالت رمضان يعدي علينا من غير اعصور.. كان عندنا امل كبير انه يكون معنا اللي مايعرفش مصطفى الأعصر فهو صحفي محبوس احتياطي من أكثر من سنتين، تحديدا من يوم ٤ فبراير ٢٠١٨ على ذمة قضية رقم ٤٤١ لسنة ٢٠١٨ حصر أمن دولة عليا ومتهم بنشر أخبار كاذبة ، أعصر كسر الحد الأقصى لمدة الحبس الاحتياطي (سنتين) ومفيش أي مبرر قانوني لحبسه لحد دلوقتي.. مصطفى خسر كتير وعانى كتير في السجن ، خسر من صحته وعمره وشغله ومستقبله وطموحه ومشاعره وإنسانيته.. مصطفى الأعصر إنسان مبدع وحساس وبيكره الصراعات ويبتصر دائما للإنسانية ، مصطفى بيحب السينما والمزيكا والمسرح والشعر والرقص والغنا والحب والسلام.. مصطفى دائما سند وظهر.. وده الوقت إننا نعرفه إننا بنحبه ونعرف الناس بيه مصطفى دائما عنده هاجس النسيان ف ساعدونا ان الهاجس ده ميتحولش لواقع.. مصطفى الأعصر مش مكانه السجن.. ادعوا لأعصر وافتكروه واتكلموا عنه.. وافتكروا أول

رسالة بعثتها من السجن لما قال إن أصدقاءه هما المقعد الأخير.. ومصطفى مش عايز
يخسر مقعده الأخير ما بينكم..

متنسوش أعصر..

#الحرية_لأعصور

#الحرية_لمصطفى_الأعصر

<http://tiny.cc/j8lpnz>

عن إسلام خليل

ده ملهوش مسمى غير جنان وهزل، في أول يوم في رمضان
وفي ظل إجراءات مواجهة كورونا هل فيه عقل ومنطق ان
اخويا إسلام خليل محبوس من إمبراح لدلوقتي عشان ١٠٠
جنيه مصاريف في جنحة من ٢٠١٦؟ هل فيه مسئول عاقل
في قسم الساحل بشبرا أو مديرية امن القاهرة أو وزارة
الداخلية يوقف المهزلة دي؟ هل منطقي أو إنساني في
الظروف دي حبس انسان لسبب تافه للدرجة دي؟ هل حتى
لو دي إجراءات بتننفذ دايمًا ان ميكونش فيه استثناء
دلوقتي؟



إمبراح بعد توقيف شقيقي إسلام في أحد الاكمنه تم اصطحابه لقسم شرطة الساحل
واحتجازه فيه؟ بعد سؤال المحامي طلع السبب هو أن فيه ١٠٠ جنيه عليه لم تسدد في
قضية من ٢٠١٦ في اسكندرية ولم تظهر إطلاقًا لدرجة اننا نسيناها.. المحامية حاولت
مع إدارة القسم تسديدها من خلاله لكنهم رفضوا وقالوا انها لازم يتم تسديدها في
اسكندرية، طبعا مكنش فيه وقت التسديد امبارح والنهارده وبكره اجازه فكده التسديد
مش هيحصل غير يوم الأحد، طايب تعهد بالتسديد ويتم الإفراج عنه؟ كان رد القسم لا
ولو مجبتوش شهادة بسرعة من إسكندرية هنرحله بنفسه لاسكندرية يسدد هناك، يعني
احتجاز لسبب تافه في ظروف زي دي لا وكمان ممكن يرحلوه بنفسه ويصرفوا نقل
وحراسة، ده كله ليه؟ عشان ١٠٠ جنيه!!!!

مفيش طبعا إجراءات قانونية ممكن تتأخذ في الوضع ده وكل اللي قدرنا نعمله امبارح هو
إرسال تليغرافات للنائب العام وقطاع حقوق الإنسان في
وزارة الداخلية والمجلس القومي لحقوق الإنسان باللي حصل، لو حد يعرف طريقة ممكن
نحل بيها المشكلة ينصحنا، ويأريت لو الناس تشير البوست

<http://tiny.cc/Ofmpnz>

عن د. عبد المنعم أبو الفتوح

ثالث رمضان في الحبسة دي يمر و أبويا مش معانا ، بيخطر لوحده في عنبر معزول !! لحد دلوقتي مش قادرين نقوله كل سنة وأنت طيب ورمضان كريم. مر ٧ أسابيع عن آخر مرة شوفنا أبويا واطمينا عليه.. من بعدها مفيش أي أخبار ولا حتى إدارة السجن سمحت بوصول جواب من طرفنا أو منه ، يوم ٣ / ٥ ميعاد جلسة المحكمة اللي تأجلت أكثر من مرة بسبب تعذر أمني.. نتمني نقدر نطمئن عليه ونتمني ياخذ إخلاء سبيل وينتهي الظلم ، نتمني تراجعوا نفسكم وتفرجوا عن المعتقلين اللي حابسينهم ظلم والسجن بياخذ من عمرهم



<http://tiny.cc/64fsnz>

عن رامي شعث

في أول يوم من رمضان، أخت رامي، راندا تكتب: "العادة اول فطار رمضان بنكون مع بعض عندي في البيت. باعزم عيلتنا الصغيرة. باطبخ بمحبة وفرح، لكن تركيزي بيكون على اهم صنف: القطايف بالجبنه اللي أخويا رامي بيحبها وما ييرضاش بأي نوع حلو ولو من أفخر محل حلويات..

انا ما شفتش رامي حتى من 8 أسابيع..

رمضان يعني لمة العيلة – ربنا يرجع لمتنا ويرد كل غايب لعيلته كل سنة وانتم طيبين. رمضان كريم

#الحرية_لرامي_شعث وكل المعتقلين

<http://tiny.cc/u1fsnz>

عن إسلام خليل

قصة ال ١٠٠ جنيه، عشان تكونوا مستوعبين البؤس المركب والجنان اللي احنا فيه في ٢٠١٦ محكمة جنايات اسكندرية اصدرت قرار بإخلاء سبيل إسلام بكفاله ٥٠ الف جنيه بعد حبس احتياطي سنة واختفاء اكثر من ٤ شهور، أثناء تنفيذ قرار المحكمة تم نقله من سجن برج العرب لقسم تاني الرمل، في القسم تم الاعتداء عليه بالضرب من ظباط القسم فقمنا بتقديم بلاغ ضدهم قاموا هم قاطعين بدلهم وعاملين بلاغ هم كمان انه هو اللي اعتدى عليهم (عشان يبقا محضر قدام محضر)، لما المحضرين اتعرضوا على

النيابة أمرت بتوقيع الكشف على اسلام واللي اثبت أثار الاصابات وكمان مكنش فيه اي مبرر منطقي قدام النيابة انه يعتدي على الضباط في حين انه مخلي سبيله ومروح اصلا وجاي القسم يخلص إجراءات، النيابة أمرت بإخلاء سبيله في نفس اليوم.... بعد كام شهر فوجئنا ان القضية تم توصيفها اعتداء على موظف عام برقم ٢٠٣٠٦ واتحالت للمحكمة اللي حكمت فيها بالحبس شهر وكفالة الف جنيه مع وقف التنفيذ والالزام بالمصاريف ومع ان الحكم مع إيقاف التنفيذ وبالدرجة الأولى عملنا معارضه عليه... بعد ده إسلام اتقبض عليه واتحسب في قضية جديدة وخرج بتدابير وبعد رفع التدابير تم احتجازه ثاني لمدة يوم عشان قضية قديمة بردو وكل ده بيتم الكشف على اسلام والقضية مبتظهرش خالص ونسيناها تماما.

فجأة القضية بتظهر بعد توقيفه في كمين ويتم احتجازه ٣ أيام لحد دلوقتي وكمان ممكن يترحل، طب يا جدعان اصلا الحكم اللي طالع مع إيقاف التنفيذ، ودي جنحة يعني كلها على بعضها سقطت... لا لازم يدفع ١٠٠ جنيه مصاريف، طايب نسدد في القسم؟ لا التسديد لازم يكون في النيابة اللي فيها القضية، طاب النيابة اجازة لحد يوم الأحد نعمل ايه؟ هيفضل محتجز ولو فيه ترحيله لاسكندرية قبل ما تجيبوا إفادة بالتسديد هيتم ترحيله.... في مصلحة مين اللي بيحصل ده؟ يعني هتصرف كل ده عشان تحصل ١٠٠ جنيه؟ هل ده مبلغ يستحق تخاطر بكل الإجراءات دي في الظروف اللي بنمر بيها في أول أيام رمضان؟

مفيش مسئول عنده قدر كافي من العقل والإنسانية يوقف ده؟

<http://tiny.cc/obgsnz>

عن أحمد شاكر

وجه محمد شاكر، والد الصحفي أحمد شاكر، صباح السبت، رسالة إلى نجله المحبوس على ذمة القضية رقم ٤٨٨ لسنة ٢٠١٩ حصر أمن دولة عليا، قال فيها إنه كان ينتظره «أول يوم رمضان» ليفطرا سويا قبل أن تنبهه الدموع «من شدة القهر» بسجنه. وكتب شاكر عبر صفحته على موقع فيسبوك قائلا: «حبيبي يابني، رمضان كريم عليك. انتظرتك اول يوم رمضان. ومكانك على الطلبية فاضي.» وأضاف: «ناديت عليك المغرب هياذن يا أحمد.. يالا الفطار جاهز، وعاد صدى صوتي بداخلي وانتبهت على دموعي وهي تنهمر من شدة القهر، واجد نفسي لاستطيع عمل شئ سوى الدعاء.» واستطرد شاكر قائلا: «رفعت يدي بالدعاء ونسيت الأفطار.. اللهم فك اسرك وكل من معك يا كريم.»

ويواجه الصحفي أحمد شاکر في القضية رقم ٤٨٨ لسنة ٢٠١٩، اتهامات بمشاركة جماعة إرهابية مع العلم بأغراضها وإساءة استخدام وسائل التواصل الاجتماعي، ونشر وإذاعة أخبار وبيانات كاذبة لتشويه سمعة مصر. وكانت قوات الأمن قد ألقّت القبض على الصحفي «أحمد شاکر» من منزله بمدينة طوخ بالقلوبية، فجر أول الخميس 28 نوفمبر ٢٠١٩. وظهر شاکر في نيابة أمن الدولة بتاريخ 30 نوفمبر، بعد يومين من القبض التعسفي عليه واقتياده لجهة غير معلومة، حيث تم إدراجه في القضية 488 لسنة 2019. وتضم القضية القضية 488 لسنة 2019، عدداً من الصحفيين والسياسيين والحقوقيين، ومن بينهم، خالد داود وسولافه مجدي وحسام الصياد وإسراء عبدالفتاح، ومحمد صلاح، والمحامية ماهينور المصري، والدكتور حسن نافعة والدكتور حازم حسني وآخرين.

<http://tiny.cc/zngsnz>

إكرام يوسف: تحديد موعد جلسة الدعوى العاجلة لتمكين زياد العليمي من الاتصال والمراسلات في يونيو.. دي مش نكتة!

قالت الكاتبة الصحفية إكرام يوسف، والدة المحامي الحقوقي المعتقل زياد العليمي، إنها فوجئت بتحديد جلسة في شهر يونيو المقبل لنظر الدعوى العاجلة التي تم تحريكها لتمكين زياد من الاتصالات والمراسلات. وأضافت إكرام، في تصريحات لـ"درب"، أن الدعوى تهدف لتمكين زياد من إجراء مكالمات هاتفية وإرسال واستلام المراسلات، بحسب ما ينص عليه القانون، ولكن كانت المفاجأة أن يتم تحديد جلسة بعد مدة طويلة.. ودي مش نكتة. وتابعت إكرام، أن القانون يمنح النزلاء هذا الحق، وتحديدًا في هذه الظروف الاستثنائية وتعليق الزيارات بسبب إجراءات فيروس كورونا، كان لابد من تمكينهم من هذا الحق. وقالت إكرام إنها علمت بأن إدارة السجن سمحت بخروج خطاب من زياد وآخر من هشام فؤاد وثالث من حسام مؤنس، محتجزين معنا في نفس الزنزانة، يطمئن خلاله على أوضاعهم ويطلب بمعرفة تفاصيل قرار إدراجه على قوائم الإرهاب. وفي 11 ابريل، أقام المركز المصري للحقوق الاقتصادية والاجتماعية، دعوي أمام محكمة القضاء الإداري، لتمكين العليمي، والموودع احتياطياً بسجن ليمان طرة من الاتصال بمحاميه وأسرتيه بأي وسيلة من وسائل الاتصال غير المباشرة.

وقال المركز إنه اختصم في الدعوى التي حملت، رقم "٣٧٣٠٦" لسنة 74 قضائية كل من رئيس مجلس الوزراء ووزير الداخلية ومساعد وزير الداخلية لقطاع مصلحة السجون واللواء مأمور سجن ليمن طره بمنطقة سجون طره والمستشار النائب العام بصفاتهم. وشدد المركز على انه في ظل منع الزيارة، وعدم تمكين السجين أو المحبوس من حقوق المراسلة، أضحت الحاجة ملحة في ظل كل هذه الظروف لتمكين السجين أو المحبوس من حق المكالمة التليفونية.

واستند المركز في دعواه للمادة 38 من قانون تنظيم السجون، والمواد من 60 حتى 67 من اللائحة التنفيذية للسجون التي أصدرها وزير الداخلية ومع ما يترتب عليها من آثار أخصها تمكين المدعي من الاتصال بمحاميه وأسرتة عن طريق الرسائل والبرقيات والمكالمات التليفونية على النحو الذي نظمته هذه المواد.

ويعاني العليمي عدة أمراض حيث أنه يعاني من مرض "الساركويدوزيس" وهو مرض مناعي نادر في الصدر وهو حالة ناتجة عن اضطراب في جهاز المناعة تؤدي إلى التهابات نشطة دائمة تشمل أعضاء كثيرة في الجسم مثل الرئتين والكبد والكلى والغدد الليمفاوية وغيرها، كما أنه يعاني من مرض السكري وارتفاع ضغط الدم وربو شعبي مزمن تزداد حديته مع النشاط الالتهابي للرئتين، كما يعاني من التهاب مزمن بأعصاب الطرفين وأعصاب الرأس. وقال المركز في دعواه إنه "لما كانت حالة المدعي الصحية من الحالات الخطيرة فالمرحلة الحالية وخاصة مع انتشار فيروس يمثل خطورة علي المرضي أصحاب الأمراض المزمنة والأمراض المرتبطة بضعف الجهاز المناعي والجهاز التنفسي. ولما كانت أسرة العليمي ترغب في التواصل معه بأي وسيلة من وسائل التواصل للاطمئنان على صحته والتأكد من استقرارها وعدم مواجهته لأي مشاكل صحية.

<https://bit.ly/2W3bxSm>

عن إسلام خليل

استكمال لمسلسل الجنان والتكدير المتعمد

يوم طويل قدام قسم ترحيلات الخليفة انتهى بترحيل شقيقي إسلام لاسكندرية بعد ٤ أيام احتجاز بدون وجه حق، سلمنا صورة من إيصال سداد كفالة إيقاف التنفيذ وشهادة من الجدول بالقضية ومعاد جلسة الاستئناف، فكان الرد لا احنا عايزين اصل الورق، جبنا اصل الورق من إسكندرية وسلمنا قبل وقت الترحيل، فكان الرد انه هيترحل بردو ودي التعليمات اللي عندنا، مين اللي بيدي تعليمات مخالفة للقانون ولقرارات النائب العام؟ مين بيدي تعليمات لتعطيل حياة الناس وتكديرهم؟ مين بيدي تعليمات فيها خطورة على حياة المواطنين؟ مين بيدي تعليمات بتكلف الدولة فلوس اكثر؟

النائب العام في بداية السنة أصدر الكتاب الدوري رقم ١ لسنة ٢٠٢٠ يقول فيه ان الشخص لو عليه حكم غيايي فمن حقه المعارضة والاستئناف في النيابة في المكان اللي اتقبض عليه فيه ويفرج عنه منه، اخويا اتقبض عليه من يوم الخميس عشان قضية محكوم فيها غيايي بس مش حكم نهائي واتفرض انه يعمل استئناف في المكان اللي اتوقف فيه وتم احتجازه بدون وجه حق من وقتها لحد النهارده بعد الاجازات قدرنا نسدد الكفالة المطلوبة ونجيب شهادة من المحكمة بده وسلمناها للمسئولين فقررنا بردو مخالفة اوسط قواعد القانون والمنطق والانسانية.

إسلام كان ملتزم بالحجر الذاتي وخرج يشتري حاجات اتوقف واتقبض عليه ومن ساعتها وهو بيحبر على مخالطة أشخاص من كل مكان ويبتم نقله من مكان احتجاز للتاني كلهم في قمة السوء والإهمال بدون سبب منطقي، في الوقت اللي الدولة بتاخذ إجراءات إحترازية لمواجهة انتشار فيروس كورونا اي ضرر قد يلحق بشقيقي هيكون بسبب اللي بيحصل دلوقتي وبسبب المخالفات القانونية دي أتمنى يتم الإفراج عنه قريب،، أتمنى

<http://tiny.cc/0hoxnz>

عن حسام مؤنس

قالت السيدة نجلاء محمد، والدة الزميل الصحفي المحبوس حسام مؤنس، إنها تلقت خطابا من محبسه، اليوم الأحد، بعد أسابيع من عدم الاطمئنان عليه نتيجة تعليق الزيارات بسبب إجراءات مواجهة فيروس كورونا. وأضافت السيدة، في تصريحات لـ"درب"، أن حسام أراد فقط أن يطمئن علينا في الرسالة ويطمئنا عليه، وأراد



الاطمئنان على أطفاله ودراساتهم وموضوع الأبحاث المطلوبة من وزارة التعليم. وأشارت السيدة نجلاء إلى أن وضعهم مستقر بشكل كبير، وتقوم الأسرة بإرسال مستلزماته وإيداع أموال في الأمانات حتى يستطيع أن يحصل على ما يريد من داخل السجن.

ويواجه مؤنس فترة الحبس الاحتياطي على ذمة القضية رقم 930 لسنة 2019 حصر أمن دولة عليا، وهي القضية المعروفة إعلاميا باسم "قضية تحالف الأمل". وتضم القضية إلى جانب مؤنس، العديد من الصحفيين والسياسيين والحقوقيين بينهم المحامي والبرلماني السابق زياد العليمي، والصحفي هشام فؤاد، والنقابي العمالي حسن بربري، والمحامي أحمد تمام.

ووجهت نيابة أمن الدولة العليا، لمؤنس في القضية، اتهامات بمشاركة جماعة إرهابية مع العلم بأغراضها، وإساءة استخدام وسائل التواصل الاجتماعي ونشر وإذاعة بيانات وأخبار كاذبة.

<https://bit.ly/2xdFRRF>

ليلي سويف في رسالة نشرتها مني سيف: للمرة السابعة.. أنا عند بوابة طرة عايزه استلم جواب من علاء وادخل له جواب ودواء

أفادت مني سيف، شقيقة الناشط السياسي علاء عبد الفتاح، إن والدتها تقف أمام بوابة سجن طرة، في محاولة لإدخال «جواب ودواء ومحلول معالجة الجفاف» إلى شقيقها، بعد فشل محاولة الأسرة إدخال تلك الأشياء 6 مرات سابقة. ونقلت مني عبر حسابها على موقع تويتر رسالة من والدتها الدكتورة ليلي سويف تقول فيها: «كلا كيت سابع مرة.. أنا عند بوابة طرة عايزه استلم جواب من علاء وادخل له جواب ودواء ومحلول معالجة الجفاف ومطهرات» وفي تغريدة لاحقة، قالت مني: «أنا لسة مش قادرة استوعب ان عشان ناخذ جواب وندخل جواب ومحلول جفاف وادوية محتاجين كل يوم نروح نقعد بالساعات قدام السجن يمكن حد يحس على دمه ويعبرنا». وتابعت «ماما عند السجن ملطوعة زي كل يوم.»

يذكر أن علاء عبد الفتاح، أكمل يوم الأحد، وفق شقيقته، أسبوعين من الإضراب عن الطعام داخل محبسه بسجن طره شديد الحراسة، في الوقت الذي كشفت عن إجراء جديد من السجن وهو حجز ميعاد لإيداع الزيارات. كانت عائلة علاء، قد كشفت يوم الأربعاء 15 إبريل عن إضرابه عن الطعام مشيرة أنه تم تحرير محضرا بالإضراب حمل أرقام 2610 لسنة 2020 إداري المعادي، وتم عرض المحضر على النيابة بتاريخ 13 إبريل، التي أشرت بمتابعة حالة علاء وإفادة ملحق يومي للمحضر وتقرير طبي، ولكنها لم تسمح للمحامين بالحصول على صورة من المحضر الذي يحتوي على أقوال علاء، أو حتى الاطلاع عليه” ومنذ ظهور أول إصابة بكورونا في مصر يوم 14 فبراير، دعا سياسيون وحقوقيون وأهالي عدد من السجناء لإطلاق سراح السجناء، بمن فيهم معتقلي الرأي والسجناء السياسيين والجنائين الأكثر عرضة للإصابة بالفيروس، وأشاروا إلى أن دولاً مثل إيران وألمانيا وكندا أفرجت عن سجناء في محاولة لاحتواء وباء الفيروس التاجي.

من جانبها قررت وزارة الداخلية منذ يوم 9 مارس الماضي، تعليق الزيارات كجزء من الإجراءات الاحترازية التي تقوم بها لمواجهة فيروس كورونا، دون الكشف عن آلية أخرى للتواصل بين السجناء وأسرههم.

<http://tiny.cc/oypxnz>

ليلي سويف

عرفت النهارده ان المحامي المتخصص في البلاغات عامل بلاغ ضدي من يوم ١٨ ابريل، أنا عموما باتجاهل الحاجات اللي زي دي على أساس إن الواحد مايعملش للخرا سعر، بس في حته كوميدي كده في البلاغ -فقلت اضحك معايا- بيقول فيها "... وهي لم تفصح ولا مرة عن مصدر دخلها الذي يعينها على أعباء الحياة،): " طب دا أنا موظفة عند الحكومة، مافيش بتلاتة تعريفة مذاكرة

<http://tiny.cc/7spxnz>

عن زياد العليمي

مش عايزة أبان نكدية!!.. الحمد لله جواب زياد طمني انه على قيد الحياة، لكن مافيش كلمة في الجواب تقول انه بخير!!.. زياد كل اللي كتبه بيقول لكم كل سنة وأنتم طيبين ، وعايز يطمئن على الجميع وأكد على ضرورة اننا نطمئنه. وكرر الطلب مرتين في اول سطر وآخر سطر في الجواب، وفي الوسط سأل عن ادراجه على قوائم الارهاب!! وإذا كانت عقدت جلسة بخصوص هذا الأمر او حضر حد من الدفاع!! وعن اسماء المدرجين معاه.. واضح ان حد بلغه فقط بان فيه قوائم ارهاب واسمه فيها وما يعرفش ايه الحكاية!! ولكن ما قالش أنا بخير ☺ ولا حاول حتى يطمنا عليه!!

<http://tiny.cc/c2pxnz>

عن خلود سعيد

مرعبة فكرة إن حد بتعبه وبتخاف عليه بقاله 6 أيام ما تعرفش هو فين؟ بيجراله ايه؟ كويس ولا لا؟ بيتعرض لإيه؟ بينام ازاي؟ بيأكل ولا لا؟ بردان؟ حران؟ بيدخل الحمام ازاي؟ مريض ولا كويس؟ بيتعرض لأي انتهاكات جسدية أو نفسية ولا لا؟ قادر يستحمل

ولا انهار؟ طيب لو حصله حاجة حيتعالج؟ حيتلحق؟ تخيل لو الحد ده بنت صحتها مش أحسن حاجة اتاخذت من بيتها قبل رمضان بليلتين في مشهد مرعب ليها ولأهلها واصحابها. تخيل بقي لو البنت دي إنت عارف إنها طيبة وحنينة وبتساعد الكل ولها حضور في كل ايفنت بيحصل في المدينة ورغم ذلك الكل عاجز عن مساعدتها. تخيل بقي إن البنت دي خلود سعيد عامر أكيد كل واحد بيقرأ البوست ده له ذكري معاها ترجمت له حاجة أو وقفت جنبه في حاجة أو بس سلمت عليه بأبتسامتها الطيبة. خلود صاحبتى فين؟ عايزة اتطمئن علي صاحبتى.

#خلود_فين

#صاحبتى_فين

#خلود_سعيد_فين

<http://tiny.cc/euqxnz>

منى سيف

وكلا كيت تامن مرة

انا عند سجن طرة وماما رايحة النيابة

من يوم ما عرفنا عن اضراب علاء وادارة سجن طرة شديد ٢ مانعينا ندخل ادوية وفيتامينات ومنظفات ومحلول جفاف، ورافضين يدونا أي جواب من علاء يطمنا عليه النهاردة اليوم ال ١٦ لاضراب علاء عن الطعام

<http://tiny.cc/gzx1nz>

علاء عبد الفتاح أثبت في محضر رسمي دخوله اضراب عن الطعام

بشكل كلي بدءاً من ١٢ أبريل لسقوط أمر حبسه!

اخيرا اتسمح لنا بالاطلاع على محضر إضراب علاء عن الطعام، المحضر حرر في سجن شديد الحراسة ٢ بطرة في ١٢ أبريل ٢٠٢٠ وعرض على النيابة اليوم التالي. الأسباب كما وثقت في المحضر: 1- بطلان استمرار الحبس بعد مرور أكثر من 45 يوم 2-الوضع الأسري الذي يستدعي أن أكون بجانب والدتي المسنة وابني أثناء هذه الظروف الصعبة المرتبطة بمرض الكورونا، بدلا من أن أكون -آمناً- هنا في السجن بناء على تحقيقات غير وافية وتحريات ملفقة في قضية يعلم الجميع أنها لن تحال أصلا. بالتالي أطالب باطلاق سراجي فوراً نظرا لسقوط أمر الحبس ولضرورة وجودي بجانب أسرتي.

س: هل تعلم أنك محبوس على قرار صادر من نيابة أمن الدولة العليا؟ أطلعناه*
ج: أول مرة اسمع بهذا الكلام ولكنه باطل تماماً، وفقاً لقانون الاجراءات الجنائية تجديد الحبس يكون أمام غرفة مشورة بمحكمة الجنايات في جلسة أحضرها بشخصي وبحضور محامي يدافع عني وأسمع فيها أسباب طلب النيابة لتجديد حبسي وأتمكن من الرد ويتمكن الدفاع من الرد أيضاً. وفقاً لحكم المحكمة الدستورية بعدم دستورية مواد الاعتقال بقانون الطوارئ، لا يمكن التذرع بأي وضع استثنائي تمر به البلاد لتعطيل ضمانات العدالة فيما يخص الحبس الاحتياطي.

س: هل لديك أقوال أخرى؟

ج: أطالب بإتاحة تواصل منتظم مع الأسرة لأتمكن من الاطمئنان عليهم، وفريق الدفاع لأمكن من مشاورتهم. وأيضاً بتوفير معلومات بخصوص وباء الكورونا من مصادرها الرسمية في الجرائد القومية والراديو.

*ملحوظة: لم يرفق أي صورة من القرار المشار إليه في السؤال، فقط معلومة أنهم أطلعوه عليه. طبقاً لكلام نيابة أمن الدولة الرسمي للمحاميين، لم يجدد حبس علاء ولكن تم تأجيل نظره ثلاثة مرات حتى الآن. آخر قرار استمرار حبس رسمي كان بتاريخ 20 فبراير!

تفاصيل حالة علاء الصحية من التقارير الملحقة بالمحضر:

18 أبريل

السكر: 54، الضغط: 100/70، النبض: 76

22 أبريل

السكر: 68، الضغط: 90/60، النبض: 95

23 أبريل

السكر: 58، الضغط: 110/70، النبض: 75

25 أبريل

السكر: 62، الضغط: 100/80، النبض: 80

26 أبريل

السكر: 67، الضغط: 100/80، النبض: 74

حتى تاريخ اليوم، 28 أبريل 2020، تتعنت إدارة سجن شديد الحراسة 2 معنا في إدخال أي أدوية ومستلزمات طبية لازمة لصحة علاء أثناء الاضراب، وأدوات نظافة. كما تمنعنا من كل وسائل التواصل مع علاء بما فيها رسائل منه وإليه.

أسرة علاء عبد الفتاح

اليوم السادس عشر من إضرابه عن الطعام

<http://tiny.cc/uoy1nz>

منى سيف

زي كل يوم ماما عند سجن طرة في انتظار "التعليمات" عشان دخول محلول الجفاف وادوية وفيتامينات ومستلزمات نظافة وجواب لعلاء ونستلم جواب بخط ايده يطمنا النهاردة على غير المعتاد ماحدث اصلا طلع يسألها جايبه ايه ويكتب ليستة عشان يعمل الاتصالات - لحد دلوقتي Laila Soueif واختراعات السجون الجديدة في زمن الكورونا، النهاردة جايزة التميز في التكدير من نصيب المسؤولين عن سجن استقبال طرة. من امبارح - او قبل- وهم قرروا انهم مش هيستلموا اكل او اي مستلزمات من اهل، غير لو المسجون اللي يخصصهم سجل من جوة طلب زيارة! طب الاهالي هيعرفوا ازاى سجل ولا لأ؟ كل يوم يبجوا ويستنوا الكشف اللي فيه اسامي اللي سجلوا من جوة السجن لو اسمه فيه، لو لأ يبجوا تاني يوم.. وهكذا!!! اكيد واضح قد ايه ده مالوش اي علاقة بأي اجراءات احترازية تخص مواجهة كورونا، لكنه مزيج من استغلال الوضع لكسر الاهالي وذلهم اكثر واكثر، وكسل ونطاعة من المسؤولين عن السجن عشان مش عايزين يقوموا بربح شغلهم.
#نشرة_أخبار_سجون_طرة
<http://tiny.cc/y1y1nz>

ماما مشيت من عند طرة بعد ما سلمت الأمانات (الفلوس) لسة ماخدوش محلول الجفاف والأدوية ومستلزمات النظافة ولا اخدوا أو سلمونا جواب بكرة يوم جديد عند السجن دعواتكم لعلاء وحامد صديق ومحمد عماشة في اضرابهم في السجون
<http://tiny.cc/6az1nz>

عن اختفاء مروة عرفه

عاشر يوم. مروة مش مع بنتنا، مش معانا، مش مع حد من اللي بيحبوها وتحبهم. مروة مخطوفة وما نعرفش مكانها. ومحدث عايز يقولنا #مروة_عرفه_فين؟
<http://tiny.cc/hyo4nz>

ولازالت "مروة عرفه" قيد الاختفاء القسري وقت إصدار هذا الأرشيف